

4
INDISSOLUBILIS CONNEXIO

*Electricitatum contrariarum, & equalium
in onerando, & deonerando geometricè
demonstrata in Doctrina Frankliniana*

DISSERTATIO

JOANNIS FRANCISCI VIGLIONI

PHILOSOPHIÆ PROFESSORIS
IN REGIO NOVARIENSI
COLLEGIO.



NOVARIÆ,

EX TYPOGRAPHIA FRANCISCI CAVALLI.

Facultate obtenta.



I. **N**emini mirum videri debet, quod, quum opere (a) paucos ante menses in lucem edito Franklinianam de re electrica doctrinam discutiendam suscepim, plurimaque ex meo penu deprompta addiderim præcipuis quattuor in ea occurrentibus difficultatibus enodandis aptissima, nunc eandem materiam peculiari persequar disputatione. Ibidem enim omnibus simul electricitatis artificialis ramis applicanda fuerunt duo illius doctrinæ principia, eorumque consectaria, innuendæque in singulis diversorum phenomenorum notiones, tum quæ habitæ antehac, traditæque sunt, tum novæ, quas nunc illis sententia mea substituendas applicata postulant principia, & principiorum consectaria, adeo ut plura quasi hystorice referenda fuerint, & ab aliis inventa, vel affirmata ad trutinam revocanda, & examini subijcienda aliquanto accuratiori. Quæ in causa fuerunt, cur nec satis continuata, nec satis brevi serie collocari ibidem potuerint veritates eæ omnes, quæ

A 2

(a) *Nuova discus. della teor. Frankl.*

quæ ad cuiusque propositæ difficultatis resolutionem, demonstrationemque omnimodam, & absolutam pertinebant, ut etiam prima fronte, & res non admodum acri, profundaque adhibita consideratione perlustrantibus sua posset illius evidentia tota penitus constare.

2. Hinc a cœpta jam tum operis editione animo versabam, & me operæ pretium facturum ducebam, si cuiusque difficultatis resolutionem, demonstrationemque quasi geometricam ita seorsim persequerer, ut veritates eam conficientes, quas fufius explicaveram, in compendium ferme revocarem, atque perstringerem, & breviori serie, aptiorique propterea ordine alias aliis adnecterem, iis omnibus missis, quæ, utut utilia, & ad rem quodammodo facientia, commodius tamen ex edito opere hauriri possunt, intereaque ipsi susceptæ resolutioni, atque demonstrationi videntur esse non omnino necessaria; imo illas ipsas veritates leviter attingerem, simulque ad cuiusque paginæ calcem citarem dicti operis locum, ubi singulas fufius expositas licet conspiciere. Idque, ut quisquis omnia cuiusque resolutionis, ac demonstrationis membra unico quasi obtutui subiecta, & singula suo in loco, ac ordine collocata, aliaque aliis adnexa lente, attente, ac serio expendens, aliorumque cum aliis connexionem diligenter animad-

animadvertens, accuratoque iudicio æstimans, nec gradum faciens ad consequentia, quin præstandum senserit præcedentibus omnibus assensum, facilius intelligat tandem, sicut veritatem quamque intermediam, ita veritatem rei primo propositæ ultimo concludendam adeo constare, ut, positis duobus doctrinæ Franklinianæ principiis, ponenda ipsa quoque sit, ac tolli nequeat, nisi illa quoque tollantur; nec doctrinæ Franklinianæ, vel petitæ inde demonstrationis vitio facile adscribat rei demonstratæ incertitudinem, ac inevidentiam, quæ ex sola oritur non satis seria, accurata, ac profunda consideratione veritatum, unde vera illius exurgit demonstratio.

3. Hoc tamen per otium, & quasi subsecivis horis præstare in animo erat: cum Clarissimorum Virorum, qui conatus meos benignis oculis adspexerunt, laudes; adversarii, qui eosdem sale, & aceto adpersit, censura, ne dicam, convicia stimulos addiderunt. Nam primum Taurinensis Academia, ut testimonium daret suæ approbationis luculentissimum litteris amplissimis, me inter suos, ut vocant, *correspondentes* retulit; mox Bononienfis humanissima epistola, quam amanter opus meum excepisset, satis ostendit; nec multo post Clarissimus Canonica difficul-

tatem alteram, quam in doctrina Frankliniana enodandam proposueram nihili facere, ejusque resolutionem oppugnare nullis rationum momentis est aggressus. Quare cum pro tanta erga me voluntate Taurinensibus, ac Bononiensibus Academicis gratias ago, quas possum, maximas; tum a Professore optimo, quem, consignata brevissima typis epistola, in certamen vocavi laceffit, illud peto, ut non privatis (quibus utrum satisfecerit argumentis epistola mea allatis, eorum, qui ipsius litteras ad calcem appositas cum mea refutatione perlegerint, judicium esto) sed publicis scriptis me lapsum errore doceat; Quod dum, ut spero, molitur, majore interim pergam alacritate assertiones meas, & firmitus tueri, & distinctius explicare.

4. Atque ut proposito statim manus admoveam, illud hic demonstrare adgrediar in doctrina Frankliniana plane necessarium, quo prima, ac præcipua continetur ejus difficultas: nexu adeo indissolubili colligari duas electricitates contrarias, unam excessus, defectus alteram juxta Franklinianos, quarum illam vitream, hanc resinofam alii malunt appellare, ut, quoties communicatione earum una cumulanda est, vel cumulata est tollenda ex una parte corporis cohibentis, ceu laminæ vitreæ, strati aeris &c., atque corpus ipsum onera-

oneratura est, vel deoneratura, altera quoque simul, & æqualiter cumulanda sit, vel cumulata sit tollenda ex parte ejusdem cohibentis corporis opposita, ipsumque sit oneratura, vel deoneratura; nec unquam communicatione actu illa cumuletur, vel cumulata tollatur, oneret, vel deoneret, nisi ea tota, & sola quantitate, qua simul actu ista cumulatur, vel cumulata tollitur, onerat, vel deonerat.

5. Quod præstiturus animadverto, primo loco nullum cohibens corpus onerari, nisi quatenus ex una saltem duarum hinc inde oppositarum partium A & Z, ceu ex parte A aliqua adjacet electricitas pollens vi determinatæ magnitudinis, quam nitens totam dirigere versus partem Z nititur sibi æqualem aliquam mutationem producere in corpore cohibenti dato, attiguisque indusiorum ejus extremitatibus. In hac autem mutatione plane consistere dati corporis cohibentis onerationem.

6. Secundo loco illam electricitatem, quæ ex parte A adjacens supponitur, vim suam actu dirigere versus partem Z tota, & sola portione, quæ adæquat actu productam dati corporis cohibentis onerationem; adeo ut, sicuti hanc producere valet, & actu producit, ita illam versus partem Z dirigere valeat, dirigatque actu tota, & sola portione, quæ

inversa proportione respondeat totali resistantiæ pervincendæ, & directa proportione respondeat efficaciam, vel momento in ipsa totali resistantia pervincenda, uno verbo directe proportionalis sit idoneitati ex parte Z respondenti (a).

7. Tertio loco si, cæteris paribus, & adjacente ex parte A electricitate qualibet suam vim dirigere nitente versum partem Z, altera quoque electricitas contraria adjacere supponatur ex parte Z, & niti suam vim dirigere versus partem A, illam actu producere in interposito dato corpore cohibenti operationis, quam producere conatur, & versus partem Z actu dirigere suæ vis, quam conatur dirigere, portionem, quæ summæ virium duarum electricitatum hinc inde adjacentium respondeat, quatenus suppositæ hinc inde adjacentes electricitates singillatim contrariam in sensu opposito, adeoque similem in sensu eodem conantur suis viribus producere dati corporis cohibentis operationem. Contra si, cæteris paribus, & adjacente ex parte A electricitate qualibet suam vim dirigere nitente versus partem Z, altera quoque similis electricitas adjacere supponatur ex parte Z, & niti suam vim dirigere versus partem A, illam actu producere in interposito corpore cohibenti dato operationis, quam

(a) *Nuova disc.* §. 71. 122.

quam producere conatur, & versus partem Z actu dirigere suæ vis, quam conatur dirigere, portionem, quæ respondeat differentiam vis primæ electricitatis adjacentis ex parte A supra vim alterius adjacentis ex parte Z, quatenus suppositæ hinc inde adjacentes electricitates singillatim similem in sensu opposito, adeoque contrariam in sensu eodem conantur suis viribus producere dati corporis cohibentis operationem.

8. Quarto loco si, cæteris paribus, & adjacente ex parte A electricitate qualibet suam vim dirigere nitente versus partem Z, altera quoque contraria electricitas adjacere supponatur ex eadem parte A, & niti suam vim dirigere versus eandem partem Z, illam actu producere in dato corpore cohibenti operationis, quam producere conatur, & versus partem Z actu dirigere suæ vis, quam conatur dirigere, portionem, quæ respondeat differentiam vis primæ electricitatis adjacentis ex parte A supra vim alterius ex eadem parte A adjacentis, quatenus suppositæ ex parte A adjacentes electricitates singillatim contrariam in sensu eodem conantur suis viribus producere dati corporis cohibentis operationem. Contra si, cæteris paribus, & adjacente ex parte A electricitate qualibet suam vim dirigere nitente versus partem Z, altera

altera quoque similis electricitas adjacere supponatur ex eadem parte A, & niti suam vim dirigere versus eandem partem Z, illam actu producere in dato corpore cohibenti operationis, quam producere conatur, & versus partem Z actu dirigere suæ vis, quam conatur dirigere, portionem, quæ respondeat summæ virium duarum electricitatum ex parte A adjacentium, quatenus suppositæ ex parte A adjacentes electricitates singillatim similem in sensu eodem conantur suis viribus producere dati corporis cohibentis operationem.

9. Quinto loco, quoties propter adjacentem ex. gr. ex parte A electricitatem dati generis dirigentem suam vim versus partem Z oneratur corpus cohibens consuetis indutum induis, hoc est corporibus deferentibus, ex parte A conari progredi, alliciendamque esse, & saltem in attiguam induis inde adjacentis extremitatem actu progredi, allicique electricitatem generis dati; eamque, utut progredi conetur, alliciendamque sit in totum corpus cohibens, nunquam actu progredi, allicique in totam ejus portionem internam, adeo ut semper ex parte A sistat, permaneatque: æqualem tamen electricitatem dati generis conari progredi, alliciendamque esse versus partem Z, & progredi, allicique actu saltem

ex

ex attigua induis inde adjacentis extremitate; eamque, utut progredi conetur, alliciendamque sit ex toto corpore cohibenti, nunquam actu progredi, allicique ex tota ejus interna portione. Contra ex parte Z conari progredi, alliciendamque esse, & saltem in attiguam induis inde adjacentis extremitatem actu progredi, allicique æqualem electricitatem generis dato contrarii; eamque, utut progredi conetur, alliciendamque sit in totum corpus cohibens, nunquam actu progredi, allicique in totam ejus portionem internam, adeo ut semper ex parte Z sistat, permaneatque: æqualem tamen electricitatem generis dato contrarii conari progredi, alliciendamque esse versus partem A, & progredi, allicique actu saltem ex attigua induis inde adjacentis extremitate; eamque, utut progredi conetur, alliciendamque sit ex toto corpore cohibenti, nunquam actu progredi, allicique ex tota ejus portione interna. Electricitatum vero contrariarum & æqualium progredi conantium, & alliciendarum versus partes hinc inde oppositas Z & A, & actu progressarum, allestarumque saltem ex attriguis induis hinc inde adjacentium extremitatibus eam, quæ progreditur, alliciturque versus partem Z, & est generis dati, semper vel abire in nihilum, utpote progressam, alle-

allectamque in solum; vel absolute destrui ab æquali electricitate generis dato contrarii præexistente ex parte Z, eandemque absolute destruere, ipsi se commiscendo; vel aliquo in loco inde adjacenti sistere, ac permanere: atque eam, quæ progreditur, alliciturque versus partem A, & est generis dato contrarii, vel absolute destrui ab æquali electricitate dati generis præexistente ex parte A, eandemque absolute destruere, ipsi se commiscendo; vel aliquo in loco inde adjacenti sistere, ac permanere.

10. *Onerantes* appello, eodem nempe nomine, quo fuerunt adhuc ab electricistis appellatæ, istiusmodi duas electricitates semper contrarias, & æquales inter se, quatenus progredi, & sese mutuo allicere conantur ex partibus hinc inde oppositis A & Z in attiguas indusiorum inde existentium extremitates, & in totum corpus cohibens datum. *Oneratas* contra appello easdem duas electricitates semper inter se contrarias, & æquales, quatenus progredi, & sese mutuo allicere conantur versus partes hinc inde oppositas Z & A ex attriguis indusiorum inde existentium extremitatibus, & ex toto corpore cohibenti dato.

11. Nimirum constituo, totam connexionem electricitatum contrariarum. & æqualium,

lium, quæ imperturbabilis se prodit in onerando corpus cohibens, huc redire, quod ex partibus hinc inde oppositis A & Z per attiguas indusiorum hinc inde existentium extremitates, & totum corpus cohibens ad partes hinc inde oppositas Z & A conentur progredi, & sese mutuo allicere duæ electricitates inter se contrariæ semper, & æquales. Eatenus vero ipsas ambas simul, & æqualiter actu progredi, allicique saltem inter quamque duarum hinc inde oppositarum partium A & Z, & attiguam indusii inde adjacentis extremitatem, quatenus actualem earum progressum, allectionemque semper patitur, ac permittit indusii natura, ac species; nunquam actu progredi, allicique per totam internam cohibentis corporis portionem, quatenus actualem earum progressum, allectionemque huiusmodi recusat natura, ac species corporis cohibentis.

12. Sexto loco animadverto, propter adjacentem ex. gr. ex parte A, ut in numero 9., electricitatem dati generis per totum corpus datum, sive cohibens, sive deferens, & per attiguas extremitates corporum quorumque eidem hinc inde proxime adjacentium, quæ spectentur similiter quasi ejus indusia, imo per quamque corporis, sive cohibentis, sive deferentis particulam, & per attiguas extremitates

mitates particularum eidem hinc inde proxime adjacentium, quæ quasi ejus indusia similiter censeantur, pariter conari progredi, alliciendamque esse ex parte A versus partem Z electricitatem dati generis, & ex parte Z versus partem A æqualem electricitatem generis dato contrarii.

13. Inde infero, ab eadem causa ex. gr. ab electricitate dati generis adjacente ex parte A in corpore quoque dato, sive cohibenti, sive deferenti, & in attiguis extremitatibus corporum quorumque hinc inde eidem proxime adjacentium instar indusiorum eodem modo similem fieri mutationem, adeo ut illud dicendum sit similiter onerari. Imo similem, & æqualem, ac in corpore toto, sive cohibenti, sive deferenti, attiguisque extremitatibus corporum quorumque hinc inde proxime adjacentium instar indusiorum, mutationem fieri in quaque corpus totum componente particula, attiguisque extremitatibus particularum hinc inde proxime adjacentium instar indusiorum, adeo ut, similiter, æqualiterque ac corpus totum, onerari dicenda sit quæque ipsum componens particula.

14. Deinceps constituo, imperturbabilem contrariarum & æqualium electricitatum connexionem, quæ jamdudum experimentis in-

notuit

notuit in oneratione corporis cohibentis tantam adhuc in Franklinianis excitans admirationem, iisdemque impercepta, legem esse amplissimam, atque universalissimam onerationis corporis generatim cujusque quoquomodo cohibentis, vel deferentis, & cujusque ipsum componentis particulæ, omniumque phænomenorum, quæ in quibusvis corporibus, corporeisque particulis quoquomodo cohibentibus, vel deferentibus communicatione producantur. Num vero duæ electricitates semper inter se contrariæ, & æquales ex partibus hinc inde oppositis A & Z ad partes hinc inde oppositas Z & A progredi, & sese mutuo allicere simul conantes per attiguas indusiorum hinc inde existentium extremitates, & per datum oneratum corpus, corporeamque particulam actu progrediantur, allicianturque, nec ne; id pendere ex terminorum, inter quos progredi, allicique deberent, natura, ac specie, quæ actualem inter ipsos illarum progressum, allectionemque omnino patiat, ac permittat, vel omnino recuset, vel recuset aliqua dumtaxat portione, patiat, ac permittat portione reliqua.

15. Septimo loco animadverto, intelligi plane non posse imperturbabilem contrarietatem, & æqualitatem electricitatum simul progredi, & sese mutuo allicere conantium ex partibus hinc

hinc inde oppositis A & Z ad partes hinc inde oppositas Z & A per attiguas indufiorum hinc inde existentium extremitates, & oneratum quodvis corpus, corporeamque particulam; nisi quatenus illarum contrarietatem, & æqualitatem necessario, & suapte natura determinare intelligatur mutatio producta in dato corpore, corporeaque particula, attiguisque indufiorum ejus extremitatibus, constituens ipsius corporis, corporeæque particulæ onerationem.

16. His constitutis simplicissimis veritatibus, quæ, utut fortasse, & quod sciam, in neminis adhuc mentem inciderint, ex notis tamen, & jam ferme incredibiliter, & in maximum memoriæ incommodum multiplicatis factis experimentalibus serio accurateque expensis, collatisque sponte, ac necessario fluunt; quattuor existere video quæstiones resolvendas pro perfecta, omnibusque numeris absoluta enodatione illius difficultatis, quam continet imperturbabilis in oneratione latissime sumpta, sicut dixi superius (12. 13. 14.), electricitatum contrariarum, & æqualium connexio.

17. Earum quæstionum prima est: quid sit onerare quodvis corpus, corporeamque particulam; siue quæ sit mutatio producta in dato quoque corpore, corporeaque particula,

cula, attiguisque extremitatibus corporum, corporearumque particularum hinc inde proxime adjacentium instar indufiorum, constituens ipsius dati corporis, corporeæque particulæ onerationem.

18. Altera est cur, & quomodo illa mutatio, siue oneratio suapte natura, semper, ac necessario determinet duarum electricitatum contrariarum, & æqualium conatum progrediendi, & sese mutuo alliciendi ex partibus hinc inde oppositis A & Z ad partes hinc inde oppositas Z & A per attiguas indufiorum hinc inde existentium extremitates, & oneratum datum corpus, corporeamque particulam.

19. Tertia est: progrediendo ab una ad alteram duarum hinc inde oppositarum partium A & Z per attiguas indufiorum hinc inde existentium extremitates, & oneratum quodvis corpus datum, quorum terminorum natura, ac species, & cur patiat, ac permittat actualement inter ipsos progressum, allECTIONEMQUE duarum electricitatum contrariarum, & æqualium, quæ inter ipsos progredi, & sese mutuo allicere conantur, vel earumdem progressum, allECTIONEMQUE actualement recuset; atque num omni, an aliqua dumtaxat portione patiat, ac permittat, vel recuset. Ex cujus quæstionis resolutione palam fieri debent

debent omnes, quas docet constans experientia, & observatio, atque experimentis, & observationibus congruens postulat doctrina Frankliniana, differentiae onerationis pro varia natura, ac specie onerati corporis, corporæquæ particulæ; ac potissimum debet innotescere, quænam generatim intelligenda sit vera, ac propria sedes electricitatum onerantium, hinc inde ab onerata lamina vitrea, strato aeris, & altero quoque corpore cohibenti impenetrabili sistentium, ac permanentium. Tum vero, siqua peculiaria experimenta, atque observationes postulent, doceantque, aliquatenus variare sedem onerantium electricitatum sistentium, ac permanentium hinc inde a duobus corporibus cohibentibus diversi nominis singillatim oneratis, viæ sternetur, & aditus patebit ad intelligendum, quantum, & in quo natura, ac species cohibens unius differat a natura, ac specie cohibente alterius.

20. Quarta est: qua vi, cur, & quomodo electricitas quælibet per se nitatur onerare quodvis adjacens corpus, sive cohibens, sive deferens.

21. Octavo loco animadverto, quoties deoneratur oneratum corpus cohibens indutum indusiis deferentibus, quemadmodum dixi superius (9), electricitatem dati generis defi-

definere conari progredi, alliciendamque esse ex parte A in totum oneratum corpus cohibens, quatenus in hoc ex illa actu progressa, allecæque non est ob onerationem; & conari regredi, dimittendamque esse versus partem A, quatenus ob onerationem inde progressa actu est, allecæque, ac regredi, dimittique actu saltem ex attigua indusii inde adjacentis extremitate: æqualiterque electricitatem dati generis definere conari progredi, alliciendamque esse versus partem Z ex toto corpore cohibenti onerato, quatenus ex hoc versus illam actu progressa, allecæque non est ob onerationem; & conari regredi, dimittendamque esse ex parte Z, quatenus versus ipsam progressa actu est, allecæque ob onerationem, ac regredi, dimittique actu saltem in attiguam indusii inde adjacentis extremitatem. Contra electricitatem generis dato contrarii æqualiter definere conari progredi, alliciendamque esse ex parte Z in totum corpus cohibens oneratum, quatenus in hoc ex illa actu progressa, allecæque non est ob onerationem; & conari regredi, dimittendamque esse versus partem Z, quatenus ob onerationem inde progressa actu est, allecæque, ac regredi, dimittique actu saltem ex attigua indusii inde adjacentis extremitate: æqualiterque electricitatem generis dato contrarii definere conari progredi, allici-

ciendamque esse versus partem A ex toto corpore cohibenti onerato, quatenus ex hoc versus illam actu progressa, allec̃taque non est ob onerationem; & conari regredi, dimittendamque esse ex parte A, quatenus versus ipsam actu progressa est, allec̃taque ob onerationem, ac regredi dimittique actu saltem in attiguam indusii inde adjacentis extremitatem: adeo ut respectu onerati corporis cohibentis dati, & attiguarum extremitatum indusiorum hinc inde existentium idem redire conetur rerum status, qui fuerat ante onerationem.

22. *Deonerantes* appello istiusmodi duas electricitates semper inter se contrarias, & æquales, quatenus desinunt conari progredi, & sese mutuo allicere ex partibus hinc inde oppositis A & Z in totum oneratum corpus cohibens datum, atque conantur regredi, dimittendæque sunt versus easdem hinc inde oppositas partes A & Z. *Deoneratas* appello easdem duas electricitates semper inter se contrarias, & æquales, quatenus desinunt conari progredi, & sese mutuo allicere versus partes hinc inde oppositas Z & A ex toto onerato corpore cohibenti dato, atque conantur regredi, dimittendæque sunt ex iisdem hinc inde oppositis partibus Z & A.

23.

23. Nimirum constituo, totam connexionem electricitatum contrariarum & æqualium, quæ imperturbabilis se prodit in deonerando oneratum corpus cohibens, huc redire, quod semper æqualiter, ac simul ex partibus hinc inde oppositis A & Z versus partes hinc inde oppositas Z & A desinant conari progredi, & sese mutuo allicere per totum oneratum corpus cohibens electricitates inter se contrarias, & æquales, quatenus ob onerationem, ex illis versus istas per ipsum progredi, & sese mutuo allicere conantes, actu progressæ non sunt, allec̃tæque; & conentur regredi, ac sese mutuo dimittere ex partibus hinc inde oppositis Z & A versus partes hinc inde oppositas A & Z, quatenus ex istis versus illas actu progressæ sunt, allec̃tæque ob onerationem. Easdem vero regredi actu, dimittique inter quamque duarum hinc inde oppositarum partium A & Z, & attiguam indusii inde adjacentis extremitatem, quatenus actualis status indusii ipsius patitur, ac permittit, imo postulat actualem inter ipsas regressum, dimissionemque earundem electricitatum, quarum inter easdem progressum, allec̃tionemque actualem passa est, ac permisit indusii ejusdem natura, ac species in oneratione.

24. Hinc colligo, quoties oneratum corpus cohibens deoneratur, in eodem, attiguisque indusiorum ejus extremitatibus novam fieri

B 3



feri mutationem in sensu opposito similem, & in sensu eodem contrariam, & æqualem illi, quæ ibidem jam facta est, & ipsius cohibentis corporis onerationem constituit. Atque in hac nova mutatione plane consistere onerati corporis cohibentis deonationem.

25. Jamvero, quemadmodum, similiter ac corpus cohibens, oneratur corpus generatim quodque etiam deferens, atque similiter æqualiterque ac corpus totum, siue cohibens, siue deferens, oneratur quæque ipsum componens particula (13); ita, similiter ac oneratum corpus cohibens, deoneratur oneratum corpus generatim quodque etiam deferens, & similiter, æqualiterque ac oneratum corpus totum, siue cohibens, siue deferens, deoneratur onerata quæque ipsum componens particula.

26. Quod si mutationi, qua continetur dati cujusque corporis, vel corporeæ particulæ oneratio, similis in sensu opposito, & in sensu eodem contraria sit mutatio, qua continetur ejusdem deoneratio; per se liquet, quibus mechanicis causis, ratione, & modo oneratio determinare debet duarum electricitatum contrariarum, & æqualium conatum progrediendi, & sese mutuo alliciendi ex partibus hinc inde oppositis A & Z ad partes hinc inde oppositas Z & A per attiguas indusiorum hinc inde existen-

existentium extremitates, totumque oneratum corpus datum, vel corpoream particulam, iisdem deonationem debere determinare æqualem ambarum simul earumdem cessationem conatus progrediendi, & sese mutuo alliciendi ex partibus hinc inde oppositis A & Z ad partes hinc inde oppositas Z & A, quatenus ob onerationem, ab illis ad istas progredi, & sese mutuo allicere conantes, progressæ actu non sunt, allectæque, ambarumque simul æqualem conatum regrediendi, & sese dimittendi ex partibus hinc inde oppositis Z & A ad partes hinc inde oppositas A & Z, quatenus ex istis ad illas ob onerationem progressæ actu sunt, allectæque. Quare, soluta quæstione proposita sub numero 18., & inventis, demonstratisque mechanicis causis, ratione, & modo, quibus illum duarum electricitatum contrariarum, & æqualium conatum progrediendi, & sese mutuo alliciendi suapte natura, ac necessario determinat oneratio, quibus nempe fit imperturbabilis in oneratione latissime sumpta electricitatum contrariarum, & æqualium connexio (11. 14), censerì debent innotescere mechanica causa, ratio, & modus, quibus deoneratio suapte natura, ac necessario determinat æqualem istam ambarum simul prædictarum electricitatum cessationem conatus pro-

progrediendi, & sese mutuo alliciendi, conatumque regrediendi, & sese dimittendi, quibus nempe fit imperturbabilis in deoneratione latissime sumpta (25) electricitatum contrariarum, & æqualium connexio (23).

27. Hinc, quemadmodum imperturbabilis connexio electricitatum contrariarum, & æqualium in oneratione corporis cohibentis lex est amplissima, atque universalissima onerationis corporis generatim cujusque, & cujusque ipsum componentis particulæ (14); ita imperturbabilis earumdem connexio in onerati corporis cohibentis deoneratione lex est amplissima, atque universalissima deonerationis onerati corporis generatim cujusque, & cujusque oneratae ipsum componentis particulæ; & ista, pariter ac illa, lex est amplissima, atque universalissima omnium phænomenorum, quæ in quibusvis corporibus, corporeisque particulis quoquomodo cohibentibus, vel deferentibus communicatione producuntur. Num vero duæ electricitates semper contrariæ, & æquales, æqualiter ambæ, ac simul regredi, & sese mutuo dimittere conantes ex partibus hinc inde oppositis Z & A versus partes hinc inde oppositas A & Z, actu regrediantur, dimittanturque, nec ne; id pendet ex terminorum, inter quos regredi conantur, dimittendæque sunt, actuali statu,

statu, qui actualem inter ipsos regressum, dimissionemque patiat, ac permittat earumdem electricitatum, quarum inter eosdem actualem progressum, allectionemque in oneratione passa est, ac permisit ipsorum natura, ac species.

28. Quapropter quattuor superius propositis tres aliæ dumtaxat superaccedere videntur quæstiones resolvendæ pro perfecta, omnibusque numeris absoluta enodatione alterius partis propositæ difficultatis, quam continet imperturbabilis in deoneratione latissime sumpta, sicut dixi superius (25), electricitatum contrariarum, & æqualium connexio.

29. Quinta nempe quæstio est: num in deoneratione cujuslibet onerati corporis ambæ electricitates contrariarum, & æqualium, æqualiter, ac simul regredi, & sese dimittere conantium inter duos quosque terminos, inter quos ob onerationem actu progressæ, allectæque sunt, actualem regressum, dimissionemque semper patiat, ac permittat actualis eorumdem terminorum status. Ex cujus quæstionis resolutione palam fieri debent omnes, quas docet constans experientia, & observatio, atque experimentis, & observationibus congruens postulat doctrina Frankliniana, differentiæ deonerationis pro varia natura, ac specie deonerati corporis, corpo-

corporeæque particulæ; ac potissimum debet innotescere, num per deonationem omnis plane intereat electricitas, an vero aliqua, & ubinam supersit adhuc destruenda. Tum vero, si qua peculiaris experimenta, atque observationes postulent, doceantque, aliquam alicubi adhuc post deonationem superesse electricitatem destruendam, via sternetur, & aditus patebit ad intelligendum actua-lem statum alterutrius, vel amborum illo-rum terminorum, inter quos ipsa regredi, dimitti-que debuisset, sed actu regressa non est, atque dimissa.

30. Sexta est: qua vi, & cur quælibet permanens oneratio cujusque corporis per se tendat ad deonationem.

31. Septima est: num quælibet permanens oneratio alicujus corporis pro tota magnitu-dine sua tendat ad deonationem, tendatque, quæcumque sit indusiorum hinc inde existen-tium conditio, adeo ut tota simul, unicoque instanti possit deonerari, & cuique ejus por-tioni conservandæ semper necessaria sit vis extrinseca æquilibrium respondentem tenden-tiam ad deonationem.

32. Singulis itaque istis septem quæstio-nibus adamussim facturis satis in Frankliniana doctrina, ut in eadem perfectam, omnibus-que numeris absolutam propositæ difficultatis enoda-

enodationem exequar, Franklinianum huc revoco principium vis expansivæ, ac repul-sivæ ab unaquaque totius electrici existentis ignis portione, & elemento quaquaversum exerendæ (a), quam in sensu explicato, atque ob allatas rationes (b) unico, opportu-noque nomine *vim tensivam* pergo appellare; *totalem* eam quidem, quam quæque portio, & elementum distributive exerit quaqua-versum; *partialem* eam, quam quæque por-tio, & elementum exerit versus unam dum-taxat partem quamque datam.

33. Frankliniano isti principio superaddo alterum pariter Franklinianum vis, qua quodque corpus, & corporea particula appetit, attrahitque ignem electricum; majoris qui-dem, vel minoris pro varia illius natura, ac specie, atque etiam pro vario actuali illius statu¹ intrinseco, seu varia figura, dispositione, ordine, ac situ partium &c., cujus varietas varietati naturæ, ac speciei aliquatenus potest æquipollere (c). Vim hanc pergo appellare *cohibentiam*.

34. His duobus præstitutis principiis, prout ad majorem viciniam adigenda, vel adacta sunt duo quæque proxima ignis electrici ele-

(a) *Nuova disc.* §. 1.

(b) *Ibid.* §. 4.

(c) *Ibid.* §. 175.

elementa, major est vis tensiva totalis, qua eadem resistunt, vel conantur diffundi in locum ampliorem, & sese mutuo remove in locum remotiorem; majorque est vis necessaria iisdem adigendis, vincendæque totali eorum vi tensivæ, vel iisdem coercendis, eorumque vi tensivæ totali sustinendæ.

35. Hinc infinitæ magnitudinis foret totalis vis tensiva, qua duo quæque proxima electrici ignis elementa resisterent, vel conarentur diffundi in locum ampliorem, & sese mutuo remove in locum remotiorem, & vis necessaria iis adigendis, vincendæque totali eorum vi tensivæ, vel iis coercendis, eorumque totali vi tensivæ sustinendæ, si eadem adigenda, vel adacta forent ad verum, absolutumque contactum. Nempe repugnat verus, absolutusque contactus inter proxima electrici ignis elementa etiam instantaneus.

36. Totius igitur electrici existentis ignis semel ubique diffusi elementum quodque agit in alterum proximum, novumque actione sua in hoc determinat conatum ad motum ex una, vel versus unam duarum hinc inde oppositarum partium, non mechanico impulsu, sive impactione, ceu corporis alterius in alterum, quod supponeret verum, absolutumque duorum illorum elementorum contactum saltem instantaneum absolute repugnan-

nantem (35), sed sola diminutione, vel auctione partialis vis tensivæ ab altero exerendæ versus dictam partem.

37. Prout aliqua portio totius electrici existentis ignis magis densanda, vel densata est, ad majorem viciniam adigenda, vel adacta sunt duo quæque proxima elementa eandem componentia, & vicissim. Ergo, prout magis densanda, vel densata est quæque portio totius electrici existentis ignis, sicuti cujusque elementi portionem ipsam componentis (34), ita portionis ipsius integræ major est vis tensiva totalis, qua resistit, vel rarefcere conatur, & remove circumpositum ignem in locum remotiorem; majorque est vis necessaria dictæ portioni densandæ, vincendæque ejus totali vi tensivæ, vel dictæ portioni in densitate data coercendæ, ejusque vi tensivæ totali sustinendæ (a).

38. Hinc, si densanda, vel densata in infinitum foret aliqua portio electrici existentis ignis, adactis ad verum, absolutumque contactum duobus quibusque proximis eam componentibus elementis, infinitæ magnitudinis foret, sicuti cujusque elementi portionem ipsam componentis (35), ita portionis ipsius integræ vis tensiva totalis, qua resisteret, vel conaretur rarefcere, circumposi-

(a) Nuova disc. §. 5.

positumque ignem remove in locum remotiorem, & vis necessaria eidem densandæ, vincendæque ejus vi tensivæ totali, vel eidem coercendæ, ejusque vi tensivæ totali sustinendæ. Nempe, pariter ac verus, absolutusque contactus duorum proximorum ignis electrici elementorum, repugnat alicujus portionis electrici existentis ignis densitas infinita, hoc est talis, quæ absolute nullum amplius capere possit incrementum.

39. Totius igitur electrici existentis ignis semel ubique diffusi portio quælibet conatur suscipere, & per se suscipit, quemadmodum densitatis decrementum, si minuitur vis coercens, & sustinens totalem ejus vim tensivam, ita densitatis incrementum, si augetur vis densans, & vincens ejus vim tensivam totalem.

40. Corporis, & corporeæ particulæ cujuslibet cohibentia (33) conatur in ejus substantia densare ignem electricum, ac tamdiu per se densat actu, quamdiu æquilibret totalem vim tensivam densati ignis, & ab igne densato saturetur.

41. Densatum vero in corpore, & corporea particula quaque, atque saturantem ignem, saturata ejus cohibentia coercet, ne novum exerat conatum se movendi versus aliquam partem, invadendique locum ignis
inde

inde proxime adjacentis augendo versus ipsam partialem suam vim tensivam. Item densati in corpore, & corporea particula quaque, atque saturantis ignis æquilibrata, & coercita vis tensiva totalis recusat novum ab eo exerendum conatum se movendi ex aliqua parte, & concedendi locum igni inde proxime adjacenti minuendo vim suam tensivam partialem versus eandem.

42. Inde conficio, corpus pro sua cohibentia resistere, ne ex una versus alteram duarum hinc inde oppositarum partium transferatur totalis vis tensiva, tum totius in eo densati ac saturantis ignis, tum cujusque elementi ipsum componentis, eoque pacto determinetur novus ejus conatus se movendi ex prima versus alteram partem, & concedendi locum proxime illinc adjacenti, & invadendi locum hinc proxime adjacentis; nec pati illam actu transferri, hunc actu determinari, nisi portione illius quantitatis, qua cæteroquin illa actu transferretur, hic actu determinaretur, inverse proportionali eidem prædictæ cohibentiæ.

43. Translata ex una versus alteram duarum hinc inde oppositarum partium vi tensiva totali, tum totius ignis in corpore densati, ejusque cohibentiam saturantis, tum cujusque elementi ipsum componentis, deter-
mina-

minatoque novo ejus conatu se movendi ex prima versus alteram partem, & concedendi locum illinc proxime adjacenti, invadendique locum hinc proxime adjacentis, corpus, si omnem coercentem, sustinentemque cohibentiam amitteret suam, vel eandem plane negligeres, pateretur, ac permetteret, ex prima versus alteram partem dicti ignis elementum quodque actu succedere in locum elementi proximi; idque fieri, tum inter oppositas extremitates cujusque suæ particulæ crassitie cujuslibet, tum inter attiguas extremitates duarum quarumque proximarum particularum; adeo ut, etiam in omni extremitate cujusque particulæ ex prima ad alteram partem substituto igne tota quantitate, quæ illi translationi, novoque conatui respondet, etiam in nulla cujusque particulæ extremitate rareficeret ignis, etiam in nulla densaretur: ac propterea pateretur, ac permetteret, dictum ignem actu concedere locum igni extraneo illinc proxime adjacenti tota quantitate, & in tota profunditate illinc extrema, qua, & in qua actu conatur ipsi locum concedere; eundemque actu invadere locum ignis extranei hinc proxime adjacentis tota quantitate, & ex tota profunditate hinc extrema, qua, & ex qua actu conatur ejus locum invadere.

44. Contra, translata ex una versus alteram duarum hinc inde oppositarum partium vi tensiva totali, tum totius ignis in corpore densati, ejusque cohibentiam saturantis, tum cujusque elementi ipsum componentis, determinatoque novo ejus conatu se movendi ex prima versus alteram partem, & concedendi locum illinc proxime adjacenti, invadendique locum hinc proxime adjacentis, corpus retinens, ac servans coercentem, sustinentemque suam cohibentiam patitur, ac permittit, ex prima parte versus alteram dicti ignis elementum quodque actu succedere in locum elementi proximi dumtaxat inter oppositas extremitates cujusque componentis particulæ alicujus crassitie inverse proportionalis cohibentiæ, nullatenus inter attiguas extremitates duarum quarumque proximarum particularum crassitie prædictæ; adeo ut, saltem in nulla extremitate cujusque particulæ ex prima ad alteram partem substituto igne, saltem in cujusque particulæ extremitate respiciente primam partem rarefcat, & saltem in cujusque particulæ extremitate respiciente partem alteram densetur ignis tota quantitate, quæ illi translationi, novoque conatui respondet: ac propterea patitur, ac permittit, dictum ignem actu concedere locum igni extraneo illinc proxime



me adjacenti portione illius quantitatis, & in portione illius profunditatis illinc extremæ, qua, & in qua ipsi locum concedere actu conatur; eundemque actu invadere locum ignis extranei hinc proxime adjacentis portione illius quantitatis, & ex portione illius hinc extremæ profunditatis, qua, & ex qua ejus locum actu conatur invadere, inverse proportionali eidem prædictæ cohibentiæ; nempe actu locum concedere in dimidia crassitie particulæ illinc extremæ, & locum invadere ex dimidia particulæ hinc extremæ crassitie.

45. Quam in rebus aliis omnibus, eandem certe in cohibentia corporibus omnibus tribuenda gradationem servavit natura, maximam aliquibus tribuens, quæ distinctionis gratia, & saltem attento sensuum judicio, infinita sit habenda; aliquibus tribuens minimam, quæ distinctionis gratia, & saltem attento sensuum judicio, nulla sit habenda; reliquis tribuens mediam, eamque gradibus successive insensiliter diversis diversam: adeo ut, *deferentiam* appellando defectum cohibentiæ, corpora primi generis dicenda sint *perfecte cohibentia*; corpora generis alterius dicenda sint *perfecte deferentia*; corpora denique tertii generis dicenda sint *imperfecte cohibentia*, vel *imperfecte deferentia*, prout
in

in tota serie graduum cohibentiæ successive insensiliter diversorum perfecte cohibentibus extremis ex parte una, vel perfecte deferentibus extremis ex parte altera proximiora existunt. Distinctionis tamen, atque facilitatis gratia juvabit corpora omnia deferentia imposterum considerare quasi perfecte deferentia, nullo in iisdem attento, consideratoque cohibentiæ gradu.

46. Quamobrem corpus, prout est perfecte cohibens, vel cohibens imperfecte, vel deferens, maxime, vel multo minus, vel nullatenus resistit, ne ex una versus alteram duarum hinc inde oppositarum partium transferatur totalis vis tensiva, tum totius in eo densati, atque saturantis ignis, tum cujusque elementi ipsum componentis, novusque determinetur ejusdem conatus se movendi ex prima versus alteram partem, & locum concedendi proxime illinc adjacenti, invadendique locum hinc proxime adjacentis; atque patitur, ac permittit, actu illam transferri, hunc actu determinari minima, vel multo majore, vel omni portione illius quantitatis, qua cæteroquin illa transferretur actu, hic actu determinaretur (42).

47. Translata ex una versus alteram duarum hinc inde oppositarum partium vi tensiva totali, tum totius ignis in corpore

densati, ejusque cohibentiam saturantis, tum cujusque elementi ipsum componentis, determinatoque novo ejus conatu se movendi ex prima versus alteram partem, & concedendi locum proxime illinc adjacenti, invadendique locum hinc proxime adjacentis, corpus cohibens, prout perfecte cohibet, vel imperfecte, patitur, ac permittit, ex prima versus alteram partem dicti ignis elementum quodque actu succedere in locum elementi proximi dumtaxat inter oppositas extremitates cujusque particulæ crassitie infinite parvæ, vel omni quidem sensili minoris, alicujus tamen, & finitæ, nullatenus inter attiguas extremitates duarum quarumque proximarum particularum crassitie prædictæ; adeo ut, saltem in nulla extremitate cujusque particulæ ex prima ad alteram partem substituto igne, saltem in cujusque particulæ extremitate respiciente primam partem rarefcat, saltem in cujusque particulæ extremitate respiciente partem alteram densetur ignis tota quantitate, quæ illi translationi, novoque conatui respondet. Patitur autem, & permittit, dictum ignem actu concedere locum igni extraneo illinc proxime adjacenti nulla, vel minima quidem, sed tamen aliqua portione illius quantitatis, in nulla, vel minore quidem omni sensili,

sed

sed tamen aliqua, & finita portione illius profunditatis illinc extremæ, qua, & in qua ipsi locum concedere actu conatur, nempe in dimidia crassitie illinc extremæ particulæ crassitie prædictæ; eundemque locum invadere ignis extranei hinc proxime adjacentis nulla, vel minima quidem, sed tamen aliqua portione illius quantitatis, & ex nulla, vel minore quidem omni sensili, sed tamen aliqua, & finita portione illius profunditatis hinc extremæ, qua, & ex qua ejusdem locum actu conatur invadere, nempe ex dimidia crassitie hinc extremæ particulæ crassitie prædictæ. Quamobrem cohibentis corporis particulas imposterum nominabo dumtaxat ejus portiones illius maximæ crassitie, qua singulis tributa, inter oppositas cujusque extremitates totum ignis moveri conantis motum actu fieri patitur, ac permittit dicti corporis natura, ac species; atque distinctionis, & facilitatis gratia eas unice deinceps considerabo.

48. Ubi vix innuam, quod est per se manifestissimum, 1.^o nullam violentiam inferri perfectæ cohibentiæ per motum ignis inter oppositas extremitates cujusque particulæ corpus perfecte cohibens componentis, cum infinite parva sit ejusdem particulæ crassities: 2.^o aliquam minimulam violentiam

C 3

tiam

tiam imperfectæ cohibentiæ inferri per motum ignis inter oppositas extremitates cujusque particulæ componentis corpus imperfecte cohibens; cum minor quidem omni sensili, sed finita sit ejusdem particulæ crassities (47): 3^o multo majorem, potioreque violentiam imperfectæ cohibentiæ inferri per ignis extranei influxum, cui ignis in corpore imperfecte cohibenti densatus, ejusque cohibentiam saturans locum concedit in dimidia crassitie particulæ extremæ ex una parte, & effluxum ignis in corpore imperfecte cohibenti densati, ejusque cohibentiam saturantis, qui locum invadit ignis extranei ex dimidia crassitie particulæ ex una parte extremæ.

49. Corpus tamen, utut imperfecte cohibens, non patitur, ac permittit, aliqua portione actu influere, & in ullam suam profunditatem ex una parte extremam ignem extraneum inde proxime adjacentem, vel aliqua portione effluere actu, & ex ulla profunditate sua extrema ex una parte ignem in se densatum, atque saturantem, nisi quatenus simul, eodemque tempore, æquali portione, & ex æquali profunditate extrema ex parte opposita effluit actu ignis in illo densatus, ac saturans, vel æquali portione, & in æqualem profunditatem extremam ex parte opposita influit ignis ex-

traneus:

traneus: adeo ut corporis cohibentia tantumdem saturari desinat propter densatum, ac saturantem ignem ex hac effluentem, vel pergat propter ignem extraneum influentem in hanc, quantum eidem saturandæ superabundaret ignis propter ignem extraneum influentem in illam, vel deficeret propter densatum, ac saturantem ignem ex illa effluentem; ac propterea unice, ac plane semper saturetur corporis cohibentia. Unde colligas, quoad ignis extranei influxum ex una parte, & effluxum ignis densati, ac saturantis versus unam partem, corpus imperfecte cohibens æquipollere perfecte cohibenti, quoties fieri nequit simul effluxus ignis densati, ac saturantis versus partem oppositam, vel influxus ignis extranei ex parte opposita; cum nempe ipsum pertinet ad aliquam continuatam seriem corporum, quæ omnia sint cohibentia, aliquo tamen eorundem perfecte cohibente.

50. Contra, translata ex una versus alteram duarum hinc inde oppositarum partium vi tensiva totali, tum totius ignis in corpore densati, ejusque cohibentiam saturantis, tum cujusque elementi ipsum componentis, determinatoque novo ejus conatu se movendi ex prima versus alteram partem, & concedendi locum proxime illinc adjacenti, inva-

C 4

dendi-

dendique locum hinc proxime adjacentis, corpus deferens patitur, ac permittit, ex prima parte versus alteram dicti ignis elementum quodque actu succedere in locum elementi proximi, tum inter oppositas extremitates cujusque particulæ crassitie cujuslibet, tum inter attiguas extremitates duarum quarumque proximarum particularum crassitie prædictæ; adeo ut, etiam in utraque extremitate cujusque particulæ ex prima ad alteram partem substituto igne tota quantitate, quæ illi translationi, novoque conatui respondet, etiam in neutra cujusque particulæ extremitate rarefcat, etiam in neutra densetur ignis, sive, quod idem est, durante dumtaxat puncto temporis indivisibili, rarefcat in cujusque particulæ extremitate respiciente primam partem, densetur in cujusque particulæ extremitate respiciente partem alteram quantitate illa tota. Patitur autem, ac permittit, dictum ignem actu concedere locum igni extraneo illinc proxime adjacenti tota quantitate, & in tota profunditate illinc extrema, qua, & in qua conatur ipsi locum concedere; eundemque actu invadere locum ignis extranei hinc proxime adjacentis tota quantitate, & ex tota profunditate hinc extrema, qua, & ex qua actu conatur ejus locum invadere (43).

Quam-

Quamobrem corporis deferentis particulas imposterum nominabo ejus portiones crassitie cujuslibet.

51. *Oppositas corporis cujuslibet superficies* appello extremas hinc inde ipsum componentes particulas in sensu superius indicato sumptas (47. 50.). *Intermediarum corporis cujuslibet portionem* appello aggregatum reliquarum ipsum componentium particularum intermediarum. *Oppositas cujusque corporis extremitates* appello externas, & a se mutuo averfas extremitates superficierum ejusdem, oppositarum. *Portionem denique corporis internam* dico eam, quæ ab oppositis ejus extremitatibus intercipitur.

52. Quapropter corpus quodlibet cohibens 1.^o patitur semper, ac permittit, actu fieri inter oppositas cujusque suæ particulæ extremitates motum totius ignis moveri conantis; patiturque propterea, ac permittit, etiam actu fieri inter unamquamque oppositarum suarum extremitatum, & partem, unde jacet extremitas ejusdem opposita. 2.^o Nullum unquam patitur, ac permittit, actu fieri ignis moveri conantis motum inter attiguas duarum quarumque proximarum suarum particularum extremitates; nullumque adeo unquam patitur, ac permittit, actu fieri inter quamque oppositarum suarum superficierum, atque por-

tio-

tionem intermediam. 3.^o Nullum unquam patitur, ac permittit, actu fieri ignis moveri conantis motum inter quamque oppositarum suarum superficierum, & attiguam extremitatem proximi corporis, quoties perfecta est illius cohibentia, vel saltem perfectæ æquipollet. 4.^o Minima aliqua dumtaxat portione patitur semper, ac permittit, actu fieri ignis moveri conantis motum inter quamque oppositarum suarum superficierum, & attiguam extremitatem proximi corporis, quoties imperfecta est illius cohibentia, nec perfectæ æquipollet (47. 49).

53. Corpus quodlibet deferens patitur semper, ac permittit, actu fieri totius ignis moveri conantis motum, tum inter oppositas cujusque suæ particulæ extremitates, tum inter extremitates attiguas duarum quarumque componentium particularum proximarum, tum inter quamque suarum oppositarum superficierum, & attiguam extremitatem proximi corporis (50).

54. Universe corpus generatim quodlibet patitur semper, ac permittit, actu fieri totius ignis moveri conantis motum, tum inter oppositas cujusque suæ particulæ extremitates, tum inter unamquamque suarum oppositarum extremitatum, & partem, unde jacet extremitas ejus opposita.

55. Porro, quem admodum tota, & sola initio existere debuit ignis electrici quantitas, quæ sufficeret saturandæ cohibentiæ totius materiæ existentis, & tota materia existens pollere debuit tota, & sola cohibentia, quæ sufficeret æquilibrandæ totali vi tensivæ totius electrici existentis ignis; ita tota ignis electrici existentis summa initio debuit distribui omnibus, & singulis corporibus, corporeisque particulis, atque omnia, & singula corpora, corporeæquæ particulæ illius summæ portionem sibi adsciscere debuerunt ea lege, ut quantitas ignis cuique insidens unice, ac plane saturaret ejus cohibentiam, & cujusque cohibentia unice, ac plane æquilibraret, ac sustineret totalem tensivam vim ignis eidem insidentis: nempe ea lege, ut ignis cuique insideret densitate, quæ ejusdem cohibentiæ directâ proportionem responderet (a), quandoquidem totalis vis tensiva ignis alicubi insidentis per se considerati actuali ejus densitati directâ proportionem respondet (37).

56. Neque totalis vis tensiva quaquaversum distributive exerenda ab igne electrico insidente diversis corporibus, corporeisque particulis ea densitate, quæ cohibentiæ directâ proportionem respondebat, potuit esse inæ-

inæqualis juxta numerum (37), utut ipsa ignis insidentis densitas fuerit similiter inæqualis, ac cohibentia (33). Excessus enim, vel defectus totalis vis tensivæ ignis insidentis uni corpori, corporeæque particulæ extiturus a majore, vel minore illius densitate compensari debuit ab æquali excessu, vel defectu cohibentiæ vim ipsam tensivam totalem coercentis, sustinentisque, & vicissim. Scilicet, facta ubique totius electrici ignis existentis distributione, ac diffusione juxta legem numeri præcedentis, æqualis ubique prodire debuit totalis vis tensiva ignis insidentis quaquaversum distributive exerenda.

57. Atqui densitas ignis electrici cuique corpori, corporeæque particulæ insidentis major est pro majore illius quantitate occupante, & pro minore istius porositate, ut ajunt, occupata. Ergo quantitas ignis electrici, quæ initio cuique corpori, corporeæque particulæ contigit, quamque initio quodque corpus, & corporea particula sibi adscivit, tum cohibentiæ, tum porositati ipsius directa proportionem respondet.

58. Quatenus corpus quodque, & quæque particula corporea determinata pollet, & cohibentia, & porositate, adeo ut determinata ipsi contingat totius ignis electrici existentis portio, ipsaque determinatam totius

tius ignis electrici existentis portionem sibi adsciscat (57), dico, idem corpus, & corpoream particulam *determinata pollere capacitate*; atque assero, totum electricum ignem existentem omnibus corporibus, corporeisque particulis initio insedisse ea præcisa quantitate, quam respondens postulabat capacitas (a).

59. Cumque, non secus ac porositas, mutabilis sit alicujus corporis, corporeæque particulæ cohibentia pro variis, quæ eidem accidere possunt intrinseci status mutationibus, ceu mutationibus figuræ, positionis, ordinis, ac situs partium componentium &c., *nativam* appello corporis, & corporeæ particulæ capacitatem, si mutata non sit ejusdem cohibentia, nec porositas, vel utraque mutata sit, sed contrarie, & æqualiter. *Accidentalem* contra dico corporis, & corporeæ particulæ capacitatem, eamque nativa majorem, vel minorem, si aucta, vel minuta sit sola ejus cohibentia, aut sola porositas, aut utraque similiter, aut utraque contrarie, sed una magis, vel minus aucta sit, quam minuta sit altera.

60. *Originalem*, vel *debitam* appello tum densitatem ignis insidentis, quam postulat actualis cohibentia (55); tum ignis insidentis quantitatem, quam postulat actualis cohibentia

(a) *Nuova disc.* §. 181. 182. 183.

46
tia simul, & porofitas (57), five actualis
capacitas (58), utcumque nativa ipsa fit, vel
accidentalis (59); tum totalem ignis origi-
nali densitate insidentis vim tensivam qua-
quaversum distributive exerendam, quæ de-
terminata semper, & constantis est magni-
tudinis (56): *nativam* vero speciatim appello
eam ignis insidentis densitatem, quantita-
tem, & totalem vim tensivam, quam de-
terminat actualis cohibentia, porofitas, &
capacitas nativa.

61. *Excessum*, vel *defectum* appello in-
crementum, vel decrementum quantitatis
ignis electrici alicubi insidentis supra, vel
infra quantitatem originalem, supra, vel
infra actualem capacitatem; & quidem
excessum, vel *defectum verum*, si illud in-
crementum, vel decrementum factum fuerit
ab influxu ignis extranei, vel ab effluxu
originalis insidentis ignis; *excessum*, vel
defectum spurium, si illud incrementum,
vel decrementum factum fuerit a mutatione
capacitatis nativæ in accidentalem minorem,
vel majorem.

62. Sic spurius est defectus, qui in com-
muni electrico apparatu insurgit ab actuali
manus fricantis actione in fricata superficie
vitri; is enim certe existit ab aucta super-
ficie vitri capacitatem, five a capacitatem ejus
nativa

47
nativa mutata in accidentalem majorem,
quandoquidem nulla ignis insidentis quan-
titas ante frictionem inde fuit exhausta.
Item spurius est excessus, qui in eodem
communi electrico apparatu insurgit in fri-
cata superficie sulphuris ab actuali actione
fricantis pellis felleæ; is enim certe existit
a minuta superficie sulphuris capacitatem,
five a capacitatem ejus nativa mutata in ac-
cidentalem minorem, quandoquidem nulla
ignis extranei quantitas in illam fuit im-
missa ante frictionem. Contra verus est,
quem ignis actu frictionis immixtus, vel
exhaustus, cessante frictione, facit ob ca-
pacitatem accidentalem iterum mutatam in
nativam, excessus in fricata superficie vitri,
& defectus in fricata superficie sulphuris.

63. Mutationem hanc capacitatis nativæ
in accidentalem majorem, vel minorem,
quæ intelligenda est facta ab actione frictio-
nis in vitri, vel sulphuris superficie, quæ
fricatur, indeterminate jam innuerat Bec-
caria, nullum tamen proponens ejus modum.
Ex aucta vero, vel minuta per frictionem
vi, qua superficies vitri, vel sulphuris ignem
electricum attrahit, appetitque ex parte,
unde fit frictio, quin mutetur ea, qua at-
trahit, appetitque ex parte opposita, repe-
tendum animadverti ego illius modum, non
ex

ex aucta, vel minuta porositate superficiei vitri, vel sulphuris, propterea quod versus fricantem manum, vel pellem felleam, non versus partem oppositam exierit se, explicatque actu frictionis ex superficie vitri defectus, ex superficie sulphuris excessus spurius. Quod una pars est experimenti Beccariani, a Beccaria tamen non attendita, utpote qui unice animadvertit, durante frictione, excessum, vel defectum verum actione frictionis illatum non explicare se a fricata superficie vitri, vel sulphuris versus superficiem ejus oppositam, se tamen versus eandem explicare, cessante frictione; ejusque rei rationem proferre aliquam conatus est per incrementum aliquod, vel decrementum capacitatis superficiei vitri, vel sulphuris a frictione determinatum, & post frictionem evanescens; nec animadvertit, rationem pariter esse inquirendam, cur idem defectus, vel excessus spurius, qui actu frictionis explicat se a fricata vitri, vel sulphuris superficie versus fricantem manum, vel pellem felleam, non explicet se similiter versus superficiem illius oppositam (a).

64. Atque proposito rei modo, & animadversioni certe suffragatur meae alterum rei adjunctum, quo constat, nullum obti-

neri

(a) *Nuova disc.* §. 354. 355. 356. 357.

neri indicium excessus, vel defectus spurii similiter frictione excitati in corpore deferenti, ob quem actu frictionis exhausto igne ipsi insidente, vel immisso in ipsum igne extraneo, post frictionem aliquis ex ipso sese explicet defectus, vel excessus verus. Cum enim suapte natura corpus deferens nulla polleat cohibentia (45), ac propterea nulla vi ignis electrici appetendi, attrahendique (33), neque ob frictionem potest pati decrementum vis praedictae, qua plane caret; neque ob eandem potest obtinere incrementum vis praedictae, cujus suapte natura non est capax.

65. *Electricitatem excessus*, vel *defectus*, eamque *veram*, vel *spuriam* nomino incrementum, vel decrementum densitatis ignis alicubi insidentis supra, vel infra densitatem originalem ob factum ibi excessum, vel defectum ignis, eumque verum, vel spurium. Unde electricitatis magnitudinem aestimandam constituo non solum ab excessu, vel defectu ignis directe, sed etiam inverse ab amplitudine, cui excessus ipse, vel defectus distribuitur.

66. Distinctionis tamen, atque facilitatis gratia *absolutam* pergo appellare magnitudinem electricitatis, in cujus aestimatione ratio habeatur solius excessus, vel defectus; rela-

D

tivam,

tivam, in cujus æstimatione ratio præterea habeatur amplitudinis, cui excessus, vel defectus distribuitur. Imo, ut usui serviam jamdudum invento, absolutam semper considerabo electricitatis magnitudinem, & absoluta magnitudine æquales, vel inæquales dicam duas electricitates, quoties electricitatis magnitudinem nominavero, atque æquales dixerō, vel inæquales duas electricitates, nisi aliter expresse monuero.

67. Quæ sane in electricitate magnitudinis distinctio est plane necessaria. Si enim excessus, vel defectus, utut finitus, infinite parvam habuerit rationem geometricam ad amplitudinem, cui distribuitur, utpotequæ sit infinita, electricitas, utut finitæ magnitudinis absolutæ, nullius plane, vel infinite parvæ, & nihilo æqualis erit magnitudinis relativæ, vere nempe erit nulla. Vicissim, si excessus, vel defectus, utut infinite parvus, finitam habuerit rationem geometricam ad amplitudinem, cui distribuitur, utpotequæ sit infinite parva, electricitas, utut nullius plane, vel infinite parvæ, & nihilo æqualis magnitudinis absolutæ, erit alicujus finitæ magnitudinis relativæ, vere nempe erit aliqua.

68. Sic, si finitus quilibet excessus, vel defectus toti amplitudini soli distribuitur, ali-

alicujus quidem finitæ magnitudinis absolutæ erit ejus electricitas, sed nullius plane, vel infinite parvæ, & nihilo æqualis magnitudinis relativæ, vere nempe erit nulla ob infinitam soli amplitudinem. Hinc dico, electricitatem cujuslibet finitæ magnitudinis absolutæ *evanescere*, sive *in nihilum abire*, non destrui, quoties eam constituens finitus excessus, vel defectus toti amplitudini soli distribuitur. Destruui enim tunc solum intelligenda illa est, cum finitus ad eam perti-
nens excessus, vel defectus componitur cum æquali defectu, vel excessu.

69. Spuria electricitas excessus, vel defectus alicubi excitatur, quoties nativa capacitas mutatur in accidentalem minorem, vel majorem. Sic dum manu vitri superficies, vel pelle fellea superficies sulphuris fricatur in communi electrico apparatu excitatur spuria electricitas defectus in illa, excessus in ista, proptereaquod frictione mutatur nativa capacitas illius in accidentalem majorem, aucta ejus vi ignem electricum attrahente ex parte manus fricantis, & nativa capacitas istius in accidentalem minorem, minuta ejus vi ignem electricum attrahente ex parte fricantis pellis felleæ (62. 63).

70. Ubi notetur, nullam plane alicubi excitandam esse spuriam electricitatem excessus,

vel defectus, utut decreascat, vel crescat vis appetendi, attrahendique ignis electrici, hoc est cohibentia (33), si simul, eodemque tempore æqualiter crescat, vel decreascat porositas, & vicissim. Nam in hoc casu eadem esse pergit capacitas; neque capacitas nativa mutatur in accidentalem majorem, vel minorem (59).

71. Sic nulla spuria electricitas excessus excitari debet in vitro, prout candescit, utut suam amittat vim appetendi, attrahendique electrici ignis, nempe cohibentiam, & fiat deferens; propterea quod tantumdem simul augetur ejusdem vitri porositas. Simile dicatur de glacie, quæ, dum liquefcit, ex cohibenti fit deferens, quin tamen sensibilis in ipsa excitari videatur spuria electricitas excessus, quemadmodum expertus est Clarissimus Cigna (a). Unde intelligas, ex eo quod vitrum candescens, & glacies liquefcens ex cohibenti fiat deferens, quin ullum exhibeat spurie electricitatis excessus in se excitatæ indicium, utut optime cautum sit, (quod certe est difficillimum), ne ulla electricitas interea inde disperdatur, non esse inferendum, naturam cohibentem mutari in deferentem absque diminutione, & destructione

(a) *Miscellaneorum Taurinensium* tom. 3. pag. 46. §. 44.

ne vis appetendi, attrahendique electrici ignis, nec propterea negandum esse, in ea vi cohibentiam consistere; adeo ut natura corporis cohibentis censenda non sit majorem postulare ignis insidentis densitatem, positaque eadem porositate, cohibentis corporis capacitas censenda non sit postulare ignis insidentis quantitatem majorem ea, quam postulat natura, & capacitas corporis deferentis.

72. Vera electricitas excessus inde, & eo progreditur, vel progredi conatur, allicitur, vel allicienda est, unde, & quo movetur, vel moveri conatur ignis. Contra vera electricitas defectus inde, & eo progreditur, vel progredi conatur, allicitur, vel allicienda est, quo, & unde ignis movetur, vel conatur moveri. Similiter vera electricitas excessus inde, & eo regreditur, vel regredi conatur, dimittitur, vel dimittenda est, unde, & quo regreditur, vel regredi conatur ignis. Contra vera electricitas defectus inde, & eo regreditur, vel regredi conatur, dimittitur, vel dimittenda est, quo, & unde ignis regreditur, vel conatur regredi.

73. Quamobrem, quantus ignis movetur, vel moveri conatur ab una versus alteram duarum hinc inde oppositarum partium, & ab uno ad alterum terminum datum, tanta simul vera electricitas excessus progreditur,

alliciturque, vel progredi conatur, & est allicienda ex prima versus alteram partem, & ex primo ad alterum terminum, & vera electricitas defectus progreditur, alliciturque, vel progredi conatur, & est allicienda ex altera parte versus primam, & ex altero ad primum terminum. Item quantus ignis regreditur, vel regredi conatur ex altera parte versus primam, & ex altero ad primum terminum, tanta simul vera electricitas excessus regreditur, dimittiturque, vel regredi conatur, & est dimittenda ex altera versus primam partem, & ex altero termino ad primum, & vera electricitas defectus regreditur, dimittiturque, vel regredi conatur, & est dimittenda ex prima parte versus alteram, & ex primo ad alterum terminum.

74. Spuria electricitas excessus, vel defectus alicubi excitata destruitur compensative, adeo ut suam spuriae electricitatis naturam amittat, si in eundem locum progrediatur, alliciaturque compensans contraria, & aequalis vera electricitas defectus, vel excessus. Sic spuria electricitas defectus in superficie vitri, excessus in superficie sulphuris per frictionem excitata in communi electrico apparatu compensative destruitur a compensante aequali electricitate vera excessus, quæ in illam progreditur, alliciturque ex fricante manu,

&

& a compensante electricitate vera defectus, quæ progreditur, alliciturque in istam ex fricante pelle fellea, adeo ut suam spuriae electricitatis naturam amittat.

75. Destruitur absolute spuria electricitas excessus, vel defectus aliquo in loco excitata, si accidentalis ejus capacitas minor, vel major nativa iterum in nativam mutetur. Sic, absoluta frictione in communi apparatu electrico, absolute destruitur spuria electricitas defectus in superficie vitri, excessus in superficie sulphuris per frictionem excitata, propterea quod capacitas accidentalis major nativa in illa, minor in ista iterum in nativam mutatur, minuta iterum primæ, & aucta alterius vi attrahente ignem electricum ex parte, unde facta est frictio.

76. Vera electricitas excessus, vel defectus, quæ progressa, allecætaque fuerit in locum aliquem, compensative ibidem destruitur, adeo ut suam veræ electricitatis naturam amittat, si compensans ibidem excitetur contraria, & aequalis spuria electricitas defectus, vel excessus; compensative destrui definit, adeo ut amissam veræ electricitatis naturam recuperet, si compensans contraria, & aequalis electricitas spuria iterum absolute destruat. Sic in communi electrico apparatu vera electricitas excessus progressa, alle-

D4

ctaque

Etque ex manu fricante in fricatam superficiem vitri, durante frictione, compensative destruitur, suamque veræ electricitatis naturam amittit ob contrariam, & æqualem ibidem frictione excitatam, & perseverantem spuriam electricitatem compensantem defectus; &, cessante frictione, successive, ac lente compensative destrui desinit, amissamque suam veræ electricitatis naturam recuperat ob absolute destructam ibidem successive, ac lente compensantem electricitatem spuriam defectus, minuta iterum vi superficiei vitri attrahente ignem electricum ex parte factæ frictionis. Item in eodem communi electrico apparatu vera electricitas defectus progressa, allecetaque ex fricante pelle fellea in fricatam superficiem sulphuris, durante frictione, compensative destruitur, suamque veræ electricitatis naturam amittit ob contrariam, & æqualem ibidem frictione excitatam, & perseverantem spuriam electricitatem compensantem excessus; &, cessante frictione, compensative destrui desinit, amissamque suam veræ electricitatis naturam recuperat successive, ac lente ob absolute destructam ibidem successive, ac lente compensantem electricitatem spuriam excessus, aucta iterum vi superficiei sulphuris attrahente ignem electricum ex parte factæ frictionis.

77. Quemadmodum vero ob mutatam fortasse a frictionis violentia figuram, dispositionem, ordinem, situm &c., partium componentium fricatam vitri superficiem, vel fricatam superficiem sulphuris, uno verbo mutatum aliquo pacto intrinsecum inbus statum excitatur (33) spuria electricitas defectus in illa, excessus in ista, augendo illius, minuendo istius vim appetendi, attrahendique electrici ignis ex parte, unde fit frictio (76); eaque spuria electricitas defectus, vel excessus non est absolute destruenda, nisi successive, ac lente, hoc est prout, cessante frictionis violentia, ob pristinum successive, ac lente redeuntem intrinsecum illius superficiei statum pristina, quoque successive, ac lente redit ejusdem superficiei vis attrahens ignem electricum ex parte factæ frictionis: ita ob mutatum, pariter ac fricatæ superficiei vitri a frictionis violentia, intrinsecum statum superficiei unius vitri a violentia veræ electricitatis excessus communicatione in eandem infixæ ex parte A in ipsa excitatur spuria electricitas defectus, aucta ejus vi attrahente ignem electricum ex parte A; eaque spuria electricitas defectus non est absolute destruenda, nisi successive, ac lente, hoc est prout, cessante violentia infigente veram electricitatem

tatem excessus ex parte A, ob pristinum successive, ac lente redeuntem intrinsecum dictæ superficiæ statum pristina quoque successive, ac lente redit ejusdem superficiæ vis attrahens ignem electricum ex parte A: atque ob mutatum, pariter ac fricatæ superficiæ sulphuris a frictionis violentia, intrinsecum statum superficiæ unius vitri a violentia veræ electricitatis defectus communicatione in eamdem infixæ ex parte A in ipsa excitatur spuria electricitas excessus, minuta ejus vi attrahente ignem electricum ex parte A; eaque spuria electricitas excessus non est absolute destruenda, nisi successive, ac lente, hoc est prout, cessante violentia infigente veram electricitatem defectus ex parte A, ob pristinum successive, ac lente redeuntem intrinsecum dictæ superficiæ statum pristina quoque successive, ac lente redit ejusdem superficiæ vis attrahens ignem electricum ex parte A.

78. Quapropter etiam vera electricitas excessus, vel defectus communicatione infixæ ex una parte in superficiem vitri, ac universe in superficiem corporis imperfecte cohibentis pro ingenti violentia cohibentiæ illata (48), mutatoque illius superficiæ intrinseco statu, atque respondente ibidem excitata compensante contraria electricitate spuria defectus, vel

vel excessus, saltem maxima portione, eaque, qua profundius infixæ est, compensative destruitur, amittitque suam veræ electricitatis naturam; nec compensative destrui desinit, amissamque veræ electricitatis naturam recuperat, nisi successive, ac lente, hoc est prout, remota violentia infigente, successive, ac lente iterum absolute destruitur compensans contraria electricitas spuria defectus, vel excessus.

79. Imo eodem plane modo quælibet vera electricitas excessus, vel defectus infixæ ex una in alteram duarum oppositarum extremitatum cujusque particulæ corpus imperfecte cohibens componentis, pro minima saltem violentia cohibentiæ illata (48), minimaque saltem facta ibidem intrinseco status mutatione, hoc est saltem minima ibidem excitata compensante contraria electricitate spuria defectus, vel excessus, minima saltem aliqua portione compensative destruitur, amittitque suam veræ electricitatis naturam; nec compensative destrui desinit, amissamque veræ electricitatis naturam recuperat, nisi successive, ac lente, hoc est prout, remota violentia infigente, successive, ac lente iterum absolute destruitur compensans contraria electricitas spuria defectus, vel excessus. Dixi particulæ componentis corpus imperfecte

fecte cohibens ; quæcumque enim vera electricitas communicatione infixæ supponatur ex una in alteram oppositarum extremitatum particulæ componentis corpus perfecte cohibens , nulla ejus portio potest compensative destrui , suamque amittere electricitatis naturam ob nullam cohibentiæ illatam violentiam , nullamque ibidem factam intrinsicæ status mutationem , nullamque propterea excitatam compensantem contrariam electricitatem spuriam .

80. Mutationem vero aliquam intrinsicæ status determinandam esse in quavis superficie corporis imperfecte cohibentis , & in quavis extremitate particulæ corpus cohibens componentis ab electricitate vera excessus , vel defectus in ipsam infixæ ex una parte ex. gr. A pro violentia cohibentiæ illata , non interituram , nisi successive post remotam violentiam ipsam infigentem , præterquamquod postulant experimentalia facta , certe suadere videtur analogia ipsa , quæ corpus quodque a vi comprimente patitur aliquam figuræ mutationem non resiliturum in figuram pristinam , nisi successive post remotam vim comprimentem .

81. Quod si eodem tempore duobus locis infint duæ quælibet electricitates inter se contrariæ , & æquales , eadem sese mutuo

com-

compensative destruunt , quatenus nec excessus , nec defectus ulla illis inest totalis electricitas , ut per se patet .

82. Vera electricitas excessus , quæ in aliquem locum progressæ , allestæque fuerit ex. gr. ex parte A , progressæ interea , allestæque ex loco eodem versus eandem partem A æquali electricitate vera defectus , per influxum ignis extranei ex hac in illum (73) , absolute in loco ipso destruitur mixtione contrariæ , & æqualis electricitatis veræ defectus in eundem locum progressæ , allestæque ex parte opposita Z , vel regressæ , dimissæque ex eadem parte A , atque in eo non sistit , permanetque , sed inde absolute progreditur , alliciturque versus partem oppositam Z , vel absolute regreditur , dimittiturque versus eandem partem A , si tantumdem ignis insidentis conspiranter effluat ex eodem loco versus partem Z , vel totus ignis , qui influxit , refluat ex eodem loco versus eandem partem A . Contra vera electricitas defectus , quæ in aliquem locum progressæ , allestæque fuerit ex. gr. ex parte A , progressæ interea , allestæque ex loco eodem versus eandem partem A æquali electricitate vera excessus , per ignis insidentis effluxum versus hanc ex illo (73) , absolute in loco ipso destruitur mixtione contrariæ , & æqualis

lis electricitatis veræ excessus in eundem progressæ, allecæque ex parte opposita Z, vel regressæ, dimissæque, ex eadem parte A, atque in eo non sistit, permanetque, sed inde absolute progreditur, alliciturque versus partem oppositam Z, vel absolute regreditur, dimittiturque versus eandem partem A, si tantumdem ignis extranei conspiranter influat in eundem locum ex parte opposita Z, vel totus ignis, qui effluxit, refluat in eundem locum ex eadem parte A.

83. Quapropter, si æquali quantitate, & conspiranter moveatur ignis extraneus ex parte A in F, & ignis insidens in G inde moveatur versus partem Z, illi quantitati æqualis vera electricitas excessus progreditur, alliciturque ex parte A in F, & ex G versus partem Z, eidemque æqualis vera electricitas defectus progreditur, alliciturque ex parte Z in G, & ex F versus partem A. Veræ autem electricitates contrariæ, dictæ quantitati, adeoque inter se æquales, progressæ, allecæque, una excessus ex parte A in F, altera defectus ex parte Z in G, progrediuntur, alliciunturque ulterius, illa ex parte A per F in G, & ex F per G ad partem Z, hæc ex parte Z per G in F, & ex G per F ad partem A omni, vel nulla, vel aliqua dumtaxat portione, sistuntque,

que, ac permanent in F & G nulla, vel omni, vel reliqua dumtaxat portione; & progressæ, allecæque, una defectus ex F versus partem A, altera excessus ex G versus partem Z, omni, vel nulla, vel priore illa dumtaxat portione progrediuntur, alliciunturque, illa versus partem A per F ex G, & in F per G ex parte Z, hæc versus partem Z per G ex F, & in G per F ex parte A; prout æqualis, vel nulla, vel minor dumtaxat quantitas ignis insidentis in F simul inde conspiranter movetur in G, nempe prout in utroque loco F & G omni, vel nulla, vel aliqua dumtaxat portione fit substitutio ignis ex parte A ad partem Z. Cum tamen in F & G, vel nullæ sistant, permaneantque electricitates veræ progressæ, allecæque ex partibus hinc inde oppositis A & Z, vel sistant, permaneantque contrariæ, & æquales adeo ut sese mutuo compensative destruant (81); liquet, progressas, allecæque illas electricitates veras, nisi absolute, saltem compensative progredi, allicique semper totas, priores ex parte A per F in G, & ex F per G ad partem Z, ex parte Z per G in F, & ex G per F ad partem A, posteriores versus partem A per F ex G, & in F per G ex parte Z, versus partem Z per G ex F, & in G per F ex parte A; nempe in primo

primo ex tribus dictis casibus progredi, allicique totas absolute, in altero totas compensative, in tertio aliqua portione absolute, & portione reliqua compensative: adeo ut in unoquoque casu progredi, allicique dicendæ sint contrariæ, & dictæ quantitati, adeoque inter se æquales electricitates per F & G ex partibus hinc inde oppositis A & Z ad partes hinc inde oppositas Z & A; hoc est electricitas excessus ex parte A ad partem Z, & electricitas defectus ex parte Z ad partem A; eademque dicendæ quidem sint progredi, allicique ambæ inter F & partem A, inter G & partem Z absolute in unoquoque casu, sed inter F & G absolute in primo casu, compensative in altero, in tertio aliqua dumtaxat, & æquali portione absolute, ac reliqua dumtaxat, & æquali portione compensative.

84. Vicissim, si æquali quantitate, & conspiranter regrediatur ignis versus partem A ex F, & in G ex parte Z, illi quantitati æqualis vera electricitas excessus regreditur, dimittiturque versus partem A ex F, & in G ex parte Z, eidemque æqualis vera electricitas defectus regreditur, dimittiturque versus partem Z ex G, & in F ex parte A. Veræ autem electricitates contrariæ, dictæ quantitati, adeoque inter se æquales regressæ, dimis-

missæque, una excessus versus partem A ex F, altera defectus versus partem Z ex G, regrediuntur, dimittunturque, illa versus partem A per F ex G, & in F per G ex parte Z, hæc versus partem Z per G ex F, & in G per F ex parte A, omni, vel nulla, vel aliqua dumtaxat portione; & regressæ, dimissæque, una defectus in F ex parte A, altera excessus in G ex parte Z, regrediuntur, dimittunturque, illa ex parte A per F in G, & ex F per G ad partem Z, hæc ex parte Z per G in F, & ex G per F ad partem A, omni, vel nulla, vel dicta dumtaxat portione, atque in F & G sistunt, permanentque nulla, vel omni, vel reliqua dumtaxat portione, prout æqualis, vel nulla, vel minor dumtaxat quantitas ignis simul conspiranter regreditur ex G in F, nempe prout in utroque loco F & G omni, vel nulla, vel aliqua dumtaxat portione fit retrosubstitutio ignis ad partem A ex parte Z. Cum tamen in F & G vel nullæ sistant, permaneantque electricitates veræ regressæ, dimissæque ex partibus hinc inde oppositis A & Z, vel sistant, permaneantque contrariæ, & æquales, adeo ut sese mutuo compensative destruant (81), liquet, regressas dimissasque illas electricitates veras, nisi absolute, saltem compensative regredi, dimis-

tique semper totas, priores versus partem A per F ex G, & in F per G ex parte Z, versus partem Z per G ex F, & in G per F ex parte A, posteriores ex parte A per F in G, & ex F per G ad partem Z, ex parte Z per G in F, & ex G per F ad partem A; nempe in primo ex tribus dictis casibus regredi, dimittique totas absolute, in altero totas compensative, in tertio aliqua portione absolute, & portione reliqua compensative: adeo ut in unoquoque casu regredi, dimittique dicendæ sint contrariæ, & dictæ quantitati, adeoque inter se æquales electricitates per F & G ex partibus hinc inde oppositis Z & A versus partes hinc inde oppositas A & Z; hoc est electricitas excessus ex parte Z ad partem A, & electricitas defectus ex parte A ad partem Z; eademque dicendæ quidem sint regredi, dimittique ambæ inter F & partem A, inter G & partem Z absolute in unoquoque casu, sed inter F & G absolute in primo casu, compensative in altero, in tertio aliqua dumtaxat, & æquali portione absolute, ac reliqua dumtaxat, & æquali portione compensative.

85. Quare, si in hypothese numeri præcedentis contrariæ, ac æquales electricitates inter F & G regrediantur, dimittanturque eodem modo, quo inter F & G progressæ, allectæque sunt

sunt in hypothese numeri 83., nullæ supersunt in duobus locis F & G electricitates, redeunte eorundem statu, qualis fuerat ante omnem ignis motum: at, si in prior hypothese compensative dumtaxat regrediantur, dimittanturque electricitates contrariæ, ac æquales inter F & G, quæ inter F & G progressæ, allectæque sunt absolute in altera hypothese, supersunt duæ electricitates contrariæ, ac æquales se mutuo compensantes, una defectus in F, altera excessus in G.

86. Quamquam electricitas, tum excessus, tum defectus duplex esse potest, vera, & spuria, quemadmodum superius demonstravi; a recepto tamen usu non discessurus absque necessitate, veram semper intelligam impostum, quoties electricitatem nominavero, nisi aliter expresse moneam.

87. Ignis electrici insidentis loco E, & determinata pollentis vi tensiva totali major est partialis vis tensiva ex. gr. versus partem Z, & respondens ejus conatus se movendi versus eandem, invadendique locum F, ignis inde proxime adjacentis, minorque ejus conatus se movendi ex eadem, concedendique locum suum E igni inde proxime adjacenti, prout minor est opposita partialis vis tensiva versus partem A ignis insidentis loco ipsi F, & respondens ejus conatus se

movendi versus partem A, invadendique locum illius E, majorque ejusdem conatus se movendi ex parte A, illique concedendi locum suum F, & vicissim. Hoc est corollarium omnino immediatum, atque spontaneum vis tensivæ, hoc est expansivæ, ac repulsivæ, qua totius electrici existentis ignis portiones, & elementa quæque perpetuo nituntur se diffundere in locum ampliorem, & sese mutuo remove in locum remotiorem.

88. Ergo tantum dumtaxat augenda, vel minuenda est, & actu augetur, vel minuitur versus partem datam Z partialis vis tensiva ignis insidentis loco E, ac pollentis determinata vi tensiva totali, tantusque dumtaxat determinandus est, & actu determinatur novus ejus conatus se movendi versus partem Z, invadendique locum F ignis inde proxime adjacentis, vel se movendi ex parte Z, concedendique locum suum E igni inde proxime adjacenti, quantum minuenda est, vel augenda, & actu minuitur, vel augetur opposita partialis vis tensiva versus partem A ignis insidentis loco F, quantum determinandus est, & actu determinatur novus ejus conatus se movendi ex parte A, illique concedendi locum suum F, vel se movendi versus partem A, invadendique locum illius E.

89. Ignis autem electrici loco E insidentis, ac pollentis determinata vi tensiva totali vires tensivæ partiales versus ambas hinc inde oppositas partes A & Z sunt semper æquales, vel inæquales inter se, & quidem partialis vis tensiva versus unam partem ex. gr. A minor partiali vi tensiva versus partem alteram Z, prout æquales inter se sunt, vel inæquales partiales illis oppositæ vires tensivæ ignis insidentis duobus locis hinc inde proxime adjacentibus D & F, atque partialis vis tensiva opposita ignis insidentis loco D major partiali vi tensiva opposita ignis insidentis loco F.

90. Quoniam, ubique posita ea, quæ initio ubique facta est, electrici existentis ignis originali diffusionem, pariter ac fuit initio (56), æqualis esse pergit totalis vis tensiva quaquaversum distributive exerenda ab igne ubique insidente, atque propterea pergit nulla esse ratio, cur inæquales sint oppositæ partiales vires tensivæ ignis insidentis duobus locis hinc inde proxime adjacentibus loco cuique dato; liquet, ubique servata ea, quæ initio ubique facta est, electrici existentis ignis, originali diffusionem, pariter ac fuerunt initio (89), pergere esse æquales, tum inter se, tum oppositis partialibus viribus tensivis ignis insidentis duobus locis hinc

inde proxime adjacentibus partiales vires
tensivas versus ambas hinc inde oppositas
partes ignis insidentis loco cuilibet dato.
Originales nomino partiales ignis cuilibet
loco dato insidentis vires tensivas versus
ambas hinc inde oppositas partes, æquales,
tum inter se, tum oppositis partialibus vi-
ribus tensivis ignis insidentis locis hinc inde
proxime adjacentibus, quamdiu originalis
ubique servatur totius electrici existentis ignis
diffusio.

91. Porro æqualitas partialium versus ambas
hinc inde oppositas partes virium tensivarum
ignis cuique loco insidentis, tum inter se,
tum oppositis partialibus viribus tensivis ignis
insidentis duobus locis hinc inde proxime
adjacentibus est status æquilibrii ignis loco
dato insidentis, quo nempe, ut per se patet,
ignis dato loco insidens æqualiter conatur
moveri versus ambas hinc inde oppositas
partes, & ex ambabus hinc inde oppositis
partibus, æqualiter conatur invadere locum
ignis utrinque proxime adjacentis, & igni
utrinque proxime adjacenti locum suum con-
cedere; & vicissim ignis utrinque proxime
adjacens æqualiter conatur moveri versus
locum datum, & ex parte loci dati, æqua-
liter conatur invadere locum datum, & igni,
qui insidet loco dato, locum suum concedere;

ac

ac denique ignis insidens loco dato conatur
inde moveri versus quamque duarum hinc
inde oppositarum partium, vel ex quaque
earumdem, atque locum invadere ignis inde
proxime adjacentis, vel eidem locum suum
concedere, æque ac ignis inde proxime ad-
jacens conatur moveri versus partem oppo-
sitam, vel ex parte opposita, atque inva-
dere locum datum, vel igni, qui insidet
loco dato, locum suum concedere: adeo ut
ignis insidens loco dato versus nullam dua-
rum hinc inde oppositarum partium, & ex
nulla speciatim, ac determinate conetur mo-
veri, locumque ignis ex nulla parte specia-
tim, ac determinate proxime adjacentis co-
natur invadere, vel eidem concedere locum
suum; nec ignis ex ulla parte speciatim,
ac determinate proxime adjacens conetur
moveri versus locum datum, vel ex parte
loci dati, locumque datum invadere, vel
igni, qui loco dato insidet, locum suum
concedere; ac denique vis tensiva ignis dato
loco insidentis nec prævaleat, nec cedat vi
tensivæ ignis ulla ex parte proxime adjacentis.

92. Contra inæqualitas partialium virium
tensivarum versus ambas hinc inde oppositas
partes ignis alicui loco insidentis, tum inter
se, tum oppositis partialibus viribus tensivis
ignis insidentis duobus locis hinc inde pro-

E 4

xime

xime adjacentibus, adeo ut minor sit versus unam, major versus alteram partialis vis tensiva ignis dato loco insidentis, atque priore major opposita partialis vis tensiva ignis insidentis loco proxime adjacenti ex prima parte, minorque posteriore partialis vis tensiva opposita ignis insidentis loco proxime adjacenti ex parte altera (89), est status non æquilibrii, quo, ut per se patet, ignis loco dato insidens speciatim, ac determinate conatur moveri ex prima parte versus alteram, atque locum suum concedere igni proxime adjacenti ex prima, & invadere locum ignis proxime adjacentis ex altera; atque speciatim, ac determinate ignis proxime adjacens ex prima parte conatur moveri versus locum datum, eumque invadere, ignisque proxime adjacens ex parte altera conatur moveri ex parte loci dati, ignique, qui eidem insidet, locum suum concedere; ac denique vis tensiva ignis insidentis loco dato speciatim, ac determinate cedit vi tensivæ ignis proxime adjacentis ex prima parte, prævaletque vi tensivæ ignis proxime adjacentis ex parte altera.

93. Cum igitur, ubique posita ea, quæ initio ubique facta est, electrici existentis ignis diffusionem originali, pariter ac fuerunt initio, pergant esse æquales, tum inter se,

tum

tum oppositis partialibus viribus tensivis ignis insidentis duobus locis hinc inde proxime adjacentibus partiales vires tensivæ versus ambas hinc inde oppositas partes ignis insidentis loco cuilibet dato (90); liquet, ubique posita ea, quæ initio ubique facta est, electrici existentis ignis originali diffusionem, ignem loco cuilibet dato insidentem, pariter ac fuit initio, pergere esse in statu æquilibrii superius descripto (91), quo versus nullam speciatim, ac determinate, & ex nulla duarum hinc inde oppositarum partium conatur moveri, & ex nulla parte speciatim, ac determinate proxime adjacentis ignis locum conatur invadere, & eidem locum suum concedere; nec ignis ex ulla parte speciatim, ac determinate proxime adjacens conatur moveri versus locum datum, vel ex parte loci dati, locumque datum invadere, vel igni, qui eidem insidet, locum suum concedere; ac denique vis tensiva ignis loco dato insidentis nec prævalet, nec cedit vi tensivæ ignis ulla ex parte speciatim, ac determinate proxime adjacentis. Hinc, quemadmodum *ubique æquilibratam* dicam eam, quæ initio ubique facta est, totius electrici existentis ignis originalem diffusionem; ita *originale* appellabo æquilibrium, in quo composita constitit initio, atque constare pergit

totalis

totalis vis tensiva ignis loco cuilibet dato densitate originali insidentis cum vi tensiva ignis insidentis duobus locis hinc inde proxime adjacentibus, quamdiu illa ubique servatur totius electrici existentis ignis diffusio originalis, nullaue ullibi existit electricitas (a).

94. Posita ubique originali, & æquilibrata totius electrici existentis ignis diffusionem, tantum, & dumtaxat supra originalem augenda est, vel infra originalem minuenda, & actu augetur, vel minuitur versus partem datam partialis vis tensiva ignis alicui loco dato insidentis, tantusque, & dumtaxat determinandus est, & actu determinatur ejusdem ignis conatus se movendi speciatim, ac determinate versus partem datam, vel ex parte data, invadendique locum ignis inde proxime adjacentis, vel eidem concedendi locum suum; quantum infra originalem minuenda, vel supra originalem augenda est, & actu minuitur, vel augetur opposita partialis vis tensiva ignis insidentis loco inde proxime adjacenti, tantusque determinandus est, & actu determinatur ejus conatus se movendi ex parte opposita, vel versus partem oppositam, & concedendi locum suum igni, qui insidet loco dato, vel locum datum invadendi (88).

(a) *Nuova disc.* pag. 43. §. 55.

95. Nimirum omnis perturbatio originalis æquilibrii inter ignem insidentem loco dato, eumque, qui insidet loco ex una parte attiguo, semper, ac necessario coalescit ex duobus contrariis, & æqualibus mutationibus partialium virium tensivarum sibi mutuo oppositarum ignis iisdem duobus locis insidentis; semperque, ac necessario determinat sibi æqualem ignis uni loco insidentis conatum se movendi versus alterum, eumque invadendi, & ignis insidentis huic conatum se movendi ex parte illius, & concedendi locum suum igni, qui illi insidet.

96. Jam vero, quemadmodum intelligi nequit, ignem originali densitate alicui loco dato actu non electrico insidentem conari moveri speciatim, ac determinate ex una, vel versus unam duarum hinc inde oppositarum partium, atque locum suum concedere igni inde proxime adjacenti, vel ejus locum invadere, quin simul intelligatur, eundem tantumdem conari moveri speciatim, ac determinate versus partem alteram, vel ex parte altera, atque invadere locum ignis inde proxime adjacentis, vel eidem locum suum concedere; ita intelligi nequit, respondens fieri infra originalem decrementum, vel supra originalem incrementum partialis versus primam partem vis tensivæ ignis

ignis originali densitate alicui loco dato actu non electrico insidentis, & originali vi tensiva totali pollentis, quin simul intelligatur æquale supra originalem incrementum, vel infra originalem decrementum partialis versus alteram partem vis tensivæ ejusdem ignis.

97. Ergo quantum perturbandum est, & actu perturbatur ignis originali densitate alicui loco actu non electrico insidentis originale æquilibrium respectu unius duarum hinc inde oppositarum partium, & loci inde attigui, tantumdem simul, sed contrarie perturbandum semper, ac necessario est, & actu perturbatur ejusdem ignis originale æquilibrium respectu partis alterius, & loci inde attigui.

98. Nimirum omnis perturbatio originalis æquilibrii ignis originali densitate insidentis alicui loco actu non electrico semper, ac necessario contraria, & æqualis est respectu ambarum hinc inde oppositarum partium, & amborum locorum hinc inde attiguorum; absolviturque translatione vis tensivæ ignis dato loco non electrico insidentis ex una ad alteram duarum hinc inde oppositarum partium, & æquali, tum incremento librantis partialis vis tensivæ ignis insidentis loco illinc attiguo, tum decremento librantis partialis
vis

vis tensivæ ignis insidentis loco hinc attiguo: ac propterea semper, ac necessario determinat sibi æqualem ignis, tum loco dato, tum locis hinc inde attiguis insidentis conatum se conspiranter movendi ex una ad alteram duarum hinc inde oppositarum partium (95), & sese in loco dato ex prima ad alteram partem, atque ex loco illinc attiguo ad locum hinc attiguum substituendi; hoc est ignis insidentis loco attiguo ex prima parte conatum se movendi versus locum datum, eumque invadendi; & ignis insidentis loco attiguo ex parte altera conatum se movendi ex parte loci dati, & igni, qui eidem insidet, locum suum concedendi; denique ignis insidentis loco dato conatum se movendi ex prima parte versus alteram, & concedendi locum datum igni, qui insidet loco illinc attiguo, & locum hinc attiguum invadendi.

99. Perturbationem originalis æquilibrii ignis originali densitate insidentis cuilibet actu non electricæ substantiæ corporis, vel corporeæ particulæ, attiguisque hinc inde proximarum substantiarum extremitatibus appello *tensionem ex una versus alteram duarum hinc inde oppositarum partium* respectu ignis insidentis dictæ substantiæ, atque *onerationem ex una versus alteram duarum hinc inde oppositarum partium* respectu ipsius substantiæ;
Indusia

Indusia autem oneratæ substantiæ dicti corporis, vel corporeæ particulæ appello substantias corporum, vel corporearum particularum hinc inde proximarum.

100. Quamobrem univérse oneratio ex una versus alteram duarum hinc inde oppositarum partium substantiæ cujusvis corporis, vel corporeæ particulæ sibi æqualem determinat ignis conatum se substituendi ex prima ad alteram partem, tum in onerata substantia data, tum in unaquaque attiguarum extremitatum indusiorum hinc inde existentium (98).

101. Hinc locum generatim quemque *servare* dico *statum originalem*, si servet, tum originalem ignis insidentis densitatem, adeo ut nullatenus sit electricus, tum originale ignis originali densitate insidentis æquilibrium. Item substantiam cujusvis corporis, vel corporeæ particulæ dico *servare statum originalem*, si servet, tum originalem ignis insidentis densitatem, adeo ut sit nullatenus electrica, tum originale ignis originali densitate insidentis æquilibrium, adeo ut nullatenus onerata existat ex una versus alteram duarum hinc inde oppositarum partium. Contra *turbatum* dico *statum originalem*, tum loci generatim cujusque, tum substantiæ corporis, vel corporeæ particulæ, si alterutra desit ex dictis duabus conditionibus.

102. Atque duplicem distingo possibilem status originalis perturbationem, tum in loco generatim quoque, tunc in quaque substantia corporis, vel corporeæ particulæ, unam specie superiorem, specie inferiorem alteram; illam intelligens consistere in electricitate dati loci, & substantiæ, hanc in sola perturbatione originalis æquilíbrii ignis originali densitate insidentis loco dato, & in datæ substantiæ oneratione ex una versus alteram duarum hinc inde oppositarum partium.

103. Quemadmodum vero electricitatis cujuslibet (66), ita cujuslibet perturbationis originalis æquilíbrii ignis ubilibet originali densitate insidentis, & onerationis cujuslibet corporis, vel corporeæ particulæ ex una versus alteram duarum hinc inde oppositarum partium duplicem distingo magnitudinem; absolutam unam, in cujus æstimatione sola ratio habeatur quantitatis ignis conantis substitui ex prima ad alteram partem, alteram relativam, in cujus æstimatione ratio habeatur præterea amplitudinis dati loci, corporis, vel corporeæ particulæ; raturum tamen pariter habens veram, ac proprie dictam illius magnitudinem esse magnitudinem relativam; ac præterea absolutam pariter intelligens, quoties de illius magnitudine sermo occurrit, nisi aliter expresse moneam: idque etiam,

ne a communi, receptoque usu absque necessitate recedam.

104. Primæ itaque quæstioni propositæ sub numero 17. respondeo, onerare ex una versus alteram duarum hinc inde oppositarum partium A & Z corpus quodlibet, vel quamlibet ejus particulam aliud non esse, quam perturbare originale æquilibrium ignis originali densitate insidentis substantiæ nullatenus electricæ corporis ipsius, vel particulæ corpus ipsum componentis, attiguisque extremitatibus corporum, vel particularum hinc inde proxime adjacentium instar indusiorum (99).

105. Quæstioni alteri propositæ sub numero 18. respondeo, onerationem ex una versus alteram duarum hinc inde oppositarum partium A & Z integri corporis cujuslibet, cujus indusia sunt corpora hinc inde proxime adjacentia, & cujusque ipsum componentis particulæ, cujus indusia sunt particulæ hinc inde proxime adjacentes, semper, necessario, & suapte natura determinare duarum electricitatum contrariarum, & æqualium conatum progrediendi, & sese mutuo alliciendi ex partibus hinc inde oppositis A & Z ad partes hinc inde oppositas Z & A per attiguas indusiorum hinc inde existentium extremitates, totamque oneratam dati corporis, ipsumque componentis particulæ cujusque

jusque substantiam, hoc est conatum, quo progressura est, & allicienda electricitas excessus ex prima parte versus alteram, & electricitas defectus ex parte altera versus primam; determinando sibi æqualem ignis conatum se substituendi ex prima ad alteram partem, tum in attiguis indusiorum hinc inde existentium extremitatibus, tum in tota onerata dati corporis, ipsumque componentis particulæ cujusque substantia (100): propterea quod, quantus ignis conatur moveri ab una versus alteram partem, & ab uno ad alterum terminum, tanta simul progredi conatur, & est allicienda electricitas excessus a prima versus alteram partem, & a primo ad alterum terminum, atque electricitas defectus ab altera parte versus primam, & ab altero ad primum terminum (73).

106. Ad tertiam quæstionem quod attinet propositam sub numero 19., natura, ac species cujusque onerati corporis semper patitur, ac permittit, onerationem determinare duarum electricitatum contrariarum, & æqualium ex partibus hinc inde oppositis A & Z ad partes hinc inde oppositas Z & A progredi, & sese mutuo allicere conantium, actualem absolutum progressum, allectionemque inter oppositas extremitates cujusque particulæ illud componentis; similiterque

operationem determinare actualem earumdem electricitatum absolutum progressum, allectionemque inter quamque duarum hinc inde oppositarum partium A & Z, & attiguum induſii inde adjacentis extremitatem ſemper patitur, ac permittit natura, ac ſpecies ipſius induſii: propterea quod inter eandem ſemper patitur, ac permittit, actu fieri totius ignis moveri conantis motum (54); atque quantus ignis actu movetur ab una verſus alteram partem, & ab uno ad alterum terminum, tanta ſimul progreditur, alliciturque electricitas exceſſus a prima verſus alteram partem, & a primo ad alterum terminum, atque electricitas defectus ab altera parte verſus primam, & ab altero ad primum terminum (73). Denique tum inter attiguas extremitates duarum quarumque proximarum particularum componentium oneratum corpus datum, tum inter attiguas extremitates ipſius, & cujuſque induſiorum hinc inde exiſtentium, & per attiguum induſii cujuſque extremitatem, totamque onerati corporis ſubſtantiam natura, ac ſpecies utriuſque ſemper patitur, ac permittit actualem dictarum electricitatum, niſi abſolutum, ſaltem compenſativum progressum, allectionemque; nempe abſolutum, vel compenſativum, vel aliqua æquali portione abſolutum,

& æquali portione reliqua compensativum, prout inter attiguas illas extremitates actu fieri patitur, ac permittit ignis moveri coëstantis motum omni, vel nulla, vel aliqua dumtaxat portione (83).

107. Si ex. gr. ex parte A versus partem Z oneretur corpus generatim quodlibet EN coalitum ex particulis EF, GH, IL, MN atque D & O sint attiguae indufiorum hinc inde existentium extremitates actu non electricæ; actuali motu ignis conspiranti ex parte A versus partem Z facto inter partem A & extremitatem D, inter partem Z & extremitatem O, & inter oppositas extremitates E & F, G & H &c. cujusque particulæ EF, GH &c. inter easdem absolute progrediuntur, alliciunturque onerationi, adeoque inter se æquales electricitates contrariæ, una excessus ex parte A versus partem Z, altera defectus ex parte Z versus partem A, adeo ut status corporis EN, & attiguarum extremitatum D & O indufiorum hinc inde existentium fiat hujusmodi $D. EF, GH, IL, MN. O$, & coalescat series $+ \quad - + \quad - + \quad - + \quad - + \quad -$, adeoque inter se æqualium, successive contrariarum, & alternatim similiarum. Duæ quæque electricitates contrariæ, ac æquales absolute progressæ, allecæque ex partibus hinc inde oppositis

A & Z in attiguas extremitates D & E, F & G, H & I &c., ac tandem N & O ulterius inter easdem progredi, & sese mutuo allicere conantur. Sed ambæ simul actu progrediuntur, alliciunturque omni, vel nulla, vel aliqua æquali portione, in illisque sistunt, ac permanent nulla, vel omni, vel æquali portione reliqua; hoc est actu progrediuntur, alliciunturque, vel absolute, vel compensative, vel aliqua æquali portione absolute, & æquali portione reliqua compensative, prout inter illas omni, vel nulla, vel aliqua dumtaxat portione actu movetur ignis, qui conatur moveri. Scilicet electricitas excessus, quæ progredi conatur, & est allicienda ex parte A ad partem Z per totam corporis EN substantiam, & attiguas extremitates D & O indusiorum hinc inde existentium, tota actu progreditur, alliciturque, nisi absolute, saltem compensative ex parte A per D in E, ex D per E in F, ex E per F in G &c., ac tandem ex M per N in O, & ex N per O ad partem Z, nullibique sistit ac permanet; item æqualis electricitas defectus, quæ progredi conatur, & allicienda est ex parte Z ad partem A per totam corporis EN substantiam, & attiguas extremitates D & O indusiorum hinc inde existentium, nisi absolute, saltem compensative tota actu progreditur,

ditur, alliciturque ex parte Z per O in N, ex O per N in M, ex N per M in L &c., ac tandem ex F per E in D, & ex E per D ad partem A, nullibique sistit, ac permanet. Eadem dicantur, si ante perturbationem originalis æquilibrii ignis originali densitate infidentis corpori EN, ejusque operationem ex parte A versus partem Z electricæ supponantur extremitates D & O; quo in casu unice attendendum erit, ad operationem corporis EN pertinere suppositas electricitates extremitatum D & O ea sola portione, qua actu progredi conantur, & sese mutuo allicere per totam corporis EN substantiam.

108. Hinc primo operatio, tum integri corporis EN, tum cujusque ipsum componentis particulæ EF, GH &c. respectu cujusque duarum hinc inde oppositarum partium A & Z semper, ac necessario coalescit ex duabus contrariis, & æqualibus electricitatibus; una onerata progressa, allectaque in illius extremitatem ex reliqua ejusdem substantia, altera onerante progressa, allectaque in extremitatem indusii attiguam ex reliqua ejusdem substantia, vel ibidem præexistente, quæ ambæ ulterius progredi, & sese mutuo allicere conantur inter attiguas extremitates ipsas, & actu inter easdem progrediuntur, alliciunturque semper, nisi absolute, saltem compensative.

Atque illa oneratio respectu dictæ partis futura est instantanea, vel permanens, vel partim instantanea, partim permanens, prout istæ electricitates, ulterius progredientes inter dictas attiguas extremitates, vel absolute, vel compensative, vel aliqua æquali portione absolute, & reliqua æquali portione compensative, fiunt ambæ in iisdem, vel instantaneæ, vel permanentes, vel æquali aliqua portione instantaneæ, & æquali portione reliqua permanentes.

109. Secundo omnis electricitas per communicationem, vel onerationem actu progressa, allecaturque ex una parte nullatenus sistit, ac permanet in interna corporis EN portione FM; sed tota semper, nisi absolute, saltem compensative progreditur, alliciturque ulterius in ejusdem corporis EN extremitatem, in qua unice potest sistere, ac permanere.

110. Tertio universe, quanta electricitas unius generis per communicationem, onerationemque progredi conatur, & est allicienda ex uno duorum locorum (hoc est se mutuo respicientium extremitatum duorum corporum, vel corporearum particularum) per alterum ad partem oppositam ex. gr. Z aut A, tanta electricitas generis contrarii actu absolute progreditur, alliciturque ex ipsa
parte

parte Z aut A in alterum locum, vel in altero loco præexistit, atque inde progredi ulterius conatur, estque allicienda per primum locum ad partem oppositam A aut Z: iisdem autem quantitate, & modo hæc actu progreditur, alliciturque ex altero loco in primum, & per primum ad partem A aut Z, vel contra in altero loco sistit, permanetque, quibus actu illa progreditur, alliciturque ex primo loco in alterum, & per alterum ad partem Z aut A, vel contra in primo loco sistit, permanetque. Vicissim, quanta electricitas unius generis per communicationem, onerationemque progredi conatur, & est allicienda in unum duorum locorum per alterum ex parte opposita Z aut A; tanta electricitas generis contrarii actu absolute progreditur, alliciturque versus ipsam partem Z aut A ex altero loco, atque in hunc progredi ulterius conatur, estque allicienda per primum locum ex parte opposita A aut Z, vel ex primo loco, in quo præexisteret: iisdem autem quantitate, & modo hæc actu progreditur, alliciturque in alterum locum ex primo, & per alterum ad partem Z aut A, vel contra in primo loco sistit, permanetque, quibus actu illa progreditur, alliciturque in primum locum ex altero,

& per primum ad partem A aut Z, vel contra in altero loco sistit, permanetque.

III. At vero natura, ac species cujusque corporis cohibentis, patitur, ac permittit, onerationem ipsius determinare duarum electricitatum contrariarum, & æqualium ex partibus hinc inde oppositis A & Z ad partes hinc inde oppositas Z & A progredi, & sese mutuo allicere conantium dumtaxat compensativum actualem progressum, allectionemque inter attiguas extremitates duarum quarumque proximarum particularum illud componentium, & inter quamque oppositarum illius superficierum, ejusdemque portionem intermediam (106), proptereaquod inter easdem nullum unquam patitur, ac permittit, actu fieri ignis moveri conantis motum (52).

II2. Quamobrem, si, cæteris paribus ac in numero 107., cohibens fuerit corpus EN oneratum ex parte A versus partem Z, quoad attiguas extremitates F & G, H & I &c. duarum quarumque proximarum particularum EF & GH, GH & IL &c. ipsum componentium, ejus status ibidem indicatus, atque descriptus erit permanens. Duæ electricitates contrariæ, ac æquales, absolute progressæ, allectæque ex partibus hinc inde oppositis A & Z in dictas attiguas extremitates, nulla portione inter easdem absolute

pro-

progrediuntur, alliciunturque, totæque in ipsis absolute sistunt, permanentque, hoc est inter easdem progrediuntur, alliciunturque dumtaxat compensative. Scilicet electricitas excessus, quæ progredi conatur, & est allicienda ex parte A ad partem Z per totam corporis EN substantiam, & attiguas indufiorum hinc inde existentium extremitates D & O, tota actu progreditur, alliciturque dumtaxat compensative ex E per F in G, ex F per G in H, ex G per H in I &c., ac tandem ex L per M in N, nempe per totam portionem internam FM. Item æqualis electricitas defectus, quæ progredi conatur, & est allicienda ex parte Z ad partem A per totam corporis EN substantiam, & attiguas indufiorum hinc inde existentium extremitates D & O, tota actu progreditur, alliciturque dumtaxat compensative ex N per M in L, ex M per L in I, ex L per I in H &c., ac tandem ex G per F in E, nempe per totam portionem internam MF. Atque permanens semper est oneratio cujusque particulæ corpus cohibens EN componentis respectu particulæ alterius proximæ, & utrinque permanens semper est oneratio saltem portionis intermediæ GL ejusdem corporis cohibentis EN (108).

II3.

113. Hinc 1^o contrariæ, ac æquales electricitates onerantes, actu absolute progressæ, allectæque ex partibus hinc inde oppositis A & Z in attiguas indufiorum hinc inde existentium extremitates D & O, nullatenus absolute progrediuntur, alliciunturque in portionem intermediam GL, sed saltem hinc inde ab ipsa sistunt, permanentque; sistentes autem, ac permanentes hinc inde, resident totæ in oppositis superficiebus EF, MN onerati corporis cohibentis EN, vel totæ in attiguis indufiorum hinc inde existentium extremitatibus D & O, vel partim in illis, partim in istis, quatenus totæ etiam in oppositas superficies EF, MN, vel unice in attiguas extremitates D & O, vel partim etiam in illas, partim unice in istas absolute progrediuntur alliciunturque: 2^o Contrariæ, ac æquales electricitates onerata, actu absolute progressæ, allectæque versus partes hinc inde oppositas Z & A ex attiguis indufiorum hinc inde existentium extremitatibus O & D, nullatenus absolute progrediuntur, alliciunturque ex portione intermedia GL; atque totæ progrediuntur, alliciunturque absolute etiam ex oppositis superficiebus EF, MN onerati corporis cohibentis EN, vel unice ex attiguis indufiorum hinc inde existentium extremitatibus O & D, vel partim etiam ex illis, partim unice ex istis:

istis: prout contrariæ, ac æquales electricitates progredi, & sese mutuo allicere conantes ex partibus hinc inde oppositis A & Z ad partes hinc inde oppositas Z & A per attiguas indufiorum hinc inde existentium extremitates D & O, & totam onerati corporis cohibentis EN substantiam absolute, vel compensative, vel partim absolute, partim compensative actu progrediuntur, alliciunturque inter attiguas extremitates D & E, N & O.

114. Corporis autem perfecte cohibentis, vel perfecte cohibenti æquipollentis natura, ac species patitur, ac permittit, ejus onerationem determinare duarum electricitatum contrariarum, & æqualium ex partibus hinc inde oppositis A & Z ad partes hinc inde oppositas Z & A progredi, & sese mutuo allicere conantium dumtaxat compensativum actualem progressum, allectionemque inter quamque duarum oppositarum illius superficierum, vel extremitatum, & attiguam extremitatem indufii proximi (106), propterea quod nullum inter easdem actu fieri patitur, ac permittit ignis moveri conantis motum (52).

115. Quamobrem, si, cæteris paribus ac in numero 107., perfecte cohibens, vel perfecte cohibenti æquipollens fuerit corpus EN
one-

oneratum ex parte A versus partem Z, quoad attiguas extremitates D & E, N & O, ejus status indicatus ibidem, atque descriptus erit permanens. Duæ electricitates contrariæ, ac æquales absolute progressæ, allectæque ex partibus hinc inde oppositis A & Z in dictas attiguas extremitates nulla portione inter easdem absolute progrediuntur, alliciunturque, totæque in ipsis absolute sistunt, permanentque, hoc est inter easdem progrediuntur, alliciunturque dumtaxat compensative. Scilicet electricitas excessus, quæ progredi conatur, & est allicienda ex parte A ad partem Z per totam corporis EN substantiam, & attiguas indusiorum hinc inde existentium extremitates D & O, tota actu progreditur, alliciturque dumtaxat compensative ex parte A per D in E, ex D per E in F, & ex M per N in O, ex N per O ad partem Z, ac propterea per totam ipsius corporis EN substantiam (112). Item æqualis electricitas defectus, quæ progredi conatur, & est allicienda ex parte Z ad partem A per totam corporis EN substantiam, & attiguas indusiorum hinc inde existentium extremitates D & O, tota actu progreditur, alliciturque dumtaxat compensative ex parte Z per O in N, ex O per N in M, & ex F per E in D, ex E per D ad partem A, ac pro-

propterea per totam ipsius corporis EN substantiam (112). Atque utrinque per manens semper est oneratio, tum cujusque superficiiei EF, MN, tum integri corporis EN (108).

116. Hinc contrariæ, ac æquales electricitates onerantes actu absolute progressæ, allectæque ex partibus hinc inde oppositis A & Z in attiguas indusiorum hinc inde existentium extremitates D & O, utpote in has unice absolute progressæ, allectæque, hinc inde absolute sistentes, ac permanentes, totæ in ipsis resident, nullatenus in oppositis superficiebus EF, MN corporis perfecte cohibentis, vel perfecte cohibenti æquipollentis EN. Atque contrariæ, ac æquales electricitates oneratae actu absolute progressæ, allectæque versus partes hinc inde oppositas Z & A ex attiguis indusiorum hinc inde existentium extremitatibus O & D nullatenus absolute progrediuntur, alliciunturque ex oppositis superficiebus EF, MN, ex illis unice absolute progressæ, allectæque (113).

117. Quandoquidem (48) per motum ignis inter oppositas extremitates cujusque particulæ componentis corpus perfecte cohibens EN, atque adeo per absolutum inter easdem progressum, allectionemque electricitatum contrariarum, & æqualium ex partibus hinc inde oppositis A & Z ad partes hinc inde

inde oppositas Z & A progredi, & sese mutuo allicere conantium nulla perfectæ cohibentiæ infertur violentia (48), ac propterea nulla portione electricitates alternatim similes, & successive contrariæ extremitatum E, F, G, H &c., ex quibus corporis perfectæ cohibentis EN oneratio coalescit (106. 112.), suam electricitatis naturam amittunt (79), liquet pariter, corporis perfectæ cohibentis EN onerationem nulla portione amittere suam naturam onerationis.

118. Contra corporis imperfectæ cohibentis, nec perfectæ cohibenti æquipollentis natura, ac species patitur, ac permittit, ejus onerationem determinare duarum electricitatum contrariarum, & æqualium ex partibus hinc inde oppositis A & Z ad partes hinc inde oppositas Z & A progredi, & sese mutuo allicere conantium maxima æquali portione dumtaxat compensativum, at minima æquali portione reliqua etiam absolutum actualem progressum, allectionemque inter quamque duarum oppositarum illius superficierum, vel extremitatum, & attiguam extremitatem indusii proximi (106), proptereaquod minima dumtaxat aliqua portione inter easdem actu fieri patitur, ac permittit ignis moveri conantis motum (52).

119. Quamobrem si, cæteris paribus ac in numero 107., imperfectæ cohibens, nec perfectæ cohibenti æquipollens fuerit corpus EN oneratum ex parte A versus partem Z, quoad extremitates D & E, N & O, ejus status ibidem indicatus, atque descriptus maxima portione erit permanens, & instantaneus minima portione reliqua. Duæ electricitates contrariæ, ac æquales, absolute progressæ, allectioneque ex partibus hinc inde oppositis A & Z in dictas attiguas extremitates, minima aliqua æquali portione inter easdem absolute progrediuntur, alliciunturque, & maxima portione reliqua in ipsis sistunt, permanentque, hoc est inter easdem progrediuntur, alliciunturque dumtaxat compensative. Scilicet electricitas excessus, quæ progredi conatur, & est allicienda ex parte A ad partem Z per totam corporis EN substantiam, & attiguas indusiorum hinc inde existentium extremitates D & O, tota tota actu progreditur, alliciturque, maxima portione dumtaxat compensative, & minima portione reliqua etiam absolute ex parte A per D in E, ex D per E in F, & ex M per N in O, ex N per O ad partem Z. Item æqualis electricitas defectus, quæ progredi conatur, & est allicienda ex parte Z ad partem A per totam corporis EN substantiam, & attiguas indu-

indusiorum hinc inde existentium extremitates D & O, actu tota progreditur, alliciunturque, maxima æquali portione dumtaxat compensative, & minima æquali portione reliqua etiam absolute ex parte Z per O in N, ex O per N in M, & ex F per E in D, ex E per D ad partem A. Atque oneratio cujusque superficiæ EF, MN maxima portione est permanens, sed minima portione reliqua est instantanea respectu extremitatis attiguae D & O indusii proximi, & utrinque maxima portione permanens est, sed instantanea maxime portione reliqua oneratio integri corporis EN (108).

120. Hinc contrariæ, ac æquales electricitates onerantes actu progressæ, allestæque ex partibus hinc inde oppositis A & Z in attiguas indusiorum hinc inde existentium extremitates D & O, utpote in has unice absolute progressæ, allestæque maxima portione, sed minima portione reliqua absolute progressæ, allestæque etiam in oppositas superficies EF, MN, hinc inde absolute sistentes, ac permanentes, maxima portione in illis resident, & minima portione reliqua in istis. Atque contrariæ, ac æquales electricitates oneratæ, actu absolute progressæ, allestæque versus partes hinc inde oppositas Z & A ex attiguis indusiorum hinc inde
exi-

existentium extremitatibus D & O, maxima aliqua portione ex istis unice absolute progrediuntur, alliciunturque, & minima portione reliqua absolute progrediuntur, alliciunturque etiam ex oppositis superficiebus, EF, MN corporis imperfecte cohibentis, nec perfecte cohibenti æquipollentis EN (113).

121. Quandoquidem (48) per motum ignis inter oppositas extremitates cujusque particulæ componentis corpus imperfecte cohibens EN, adeoque absolutum inter easdem progressum, allectionemque electricitatum contrariarum, & æqualium ex partibus hinc inde oppositis A & Z ad partes hinc inde oppositas Z & A progredi, & sese mutuo allicere conantium aliqua minimula imperfectæ cohibentiæ violentia infertur, ac propterea aliqua minimula portione electricitates alternatim similes, & successive contrariæ extremitatum E, F, G, H &c., ex quibus corporis imperfecte cohibentis EN oneratio coalescit (107. 112.), suam electricitatis naturam amittunt (79), liquet pariter, corporis imperfecte cohibentis EN onerationem minimula aliqua portione suam amittere naturam onerationis.

122. Nimirum, quemadmodum onerati corporis EN cohibentia efficere debet, ut
G duæ

duæ contrariæ, ac æquales electricitates onerantes, actu progressæ, allecæque absolute versus illud ex partibus hinc inde oppositis A & Z, hinc inde ab illius saltem portione intermedia GL sistant, permaneantque; ita varius gradus cohibentiæ, quo ipsa, vel perfecta sit, perfectæve æquipolleat, vel saltem sit imperfecta, nec æquipolleat perfectæ, debet efficere, ut eadem illæ electricitates onerantes hinc inde absolute sistentes, ac permanentes resideant, vel totæ in attiguis extremitatibus D & O indusiorum hinc inde existentium, vel maxima portione in ipsis resideant, & minima portione reliqua in oppositis illius superficiebus EF, MN.

123. Atque dum doctrinæ Franklinianæ maxime consentaneum, imo plane necessarium esse constat, veram, ac propriam sedem electricitatum onerantium, sistentium, ac permanentium hinc inde ab onerato corpore cohibenti EN semper esse attiguas indusiorum hinc inde existentium extremitates D & O, eidem maxime, apertissimeque repugnat, dictas electricitates onerantes sistentes, ac permanentes hinc inde ab onerato corpore cohibenti EN totas residere in oppositis ejus superficiebus EF, MN, quemadmodum raturum adhuc habuerunt Frankliniani cum Beccaria omnes.

124. Veritatem hanc, quam primus deinceps in doctrina Frankliniana necessariam demonstravi, cum primum in resolutionem difficultatum in illa occurrentium inquirem, suavit mihi potissimum consideratio maximæ resistantiæ, quam noveram corpus quodque cohibens objicere debere actuali progressui, & allectioni electricitatum progressui, & sese mutuo allicere conantium per ejus substantiam ex partibus hinc inde oppositis ad partes hinc inde oppositas, nullatenus objiciendam a corpore quoque deferenti: omnis enim, inquiebam, resistantia saltem portione effectus cæteroquin producendi actu impedit sibi directe proportionalem, unde statim, ac immediate conficiebam, repugnare illarum totarum electricitatum progressum, allectionemque in oppositas corporis cohibentis superficies, adeo ut hinc inde sistentes, ac permanentes nulla portione residerent in attiguis indusiorum deferentium hinc inde existentium extremitatibus; imo conficiebam, illas electricitates in istis extremitatibus potissimum, & maxima saltem portione debere residere (a). Deinde confirmavit consideratio nullius lucis non conspicuæ actu deonerationis in ullamini.

G 2

(a) Nuova disc. §. 695. 696.

minima extrema profunditate onerati corporis cohibentis, sive aer ipsum sit, sive vitrum: ea plane ratione, qua Beccaria ex consideratione lucis non conspicuæ in ulla minima extrema, & attigua profunditate ambientis aeris, intereadum scintilla elicitur ex catena electrica in communi electrico apparatu, quæ tamen conspicua est inter catenæ partes, siquo minimo intervallo distinctæ, interruptæque, vel minus deferentes existant, intulit, totam electricitatem actu inhærentem catenæ in ejus superficie, vel extremitate residere, non in attigua superficie, vel extremitate ambientis aeris ^(a). Illamque, qua semper imbutus fueram. Franklinianorum sententiam in dubium revocare prima cœpit compellere consideratio fallaciæ, qua Franklinus, ipsumque sectatus Beccaria, perspicacissimi, profundissimique cæteroquin Viri, ex verissimo experimento illegittimam deducentes conclusionem, constituerunt, ac propugnarunt, electricitates onerantes Leidensem phialam vitream, vitreamque laminam totas residere in oppositis ejus superficiebus ^(b).

125.

(a) *Nuova disc.* §. 469. 470. 471.

(b) *Ibid.* §. 458.

125. Totas vero electricitates onerantes stratum aeris residere in attiguis extremitatibus indufiorum deferentium hinc inde ab ipso existentium; contra electricitates onerantes vitream laminam maxima portione dumtaxat residere in attiguis extremitatibus indufiorum deferentium hinc inde ab ipsa existentium, & minima portione reliqua in oppositis ejus superficiebus, prima ob oculos posuit mihi consideratio virium, quarum una sese mutuo attrahunt deferentia onerati strati aeris indufia, altera oneratæ laminæ vitreæ adhærent deferentia ejus indufia; quatenus, intereadum ambas vires intelligebam esse ejusdem generis, similiter determinari, nec effectu differre, nisi propter fluidam aeris, & cohærentem, solidamque vitri substantiam, animadvertēbam, alteram quidem, non tamen primam reviviscere, postquam semel interierit; atque alteram interire, priusquam facta sit totalis laminæ vitreæ deoneratio, primam interire, dumtaxat completa deoneratione strati aeris. Ea veritate constituta, primus quasi manu ductus fui ad detegendam, constituendamque perfectam cohibentiam aeris, & imperfectam cohibentiam vitri, atque ad eliciendam deinceps ex ipsis doctrinæ Franklinianæ principiis simplicissimis deductam jam ex factis experimentalibus cohibentia

bentiae perfectae, & imperfectae distinctionem, atque utriusque efficientiam. Hæc, quæ nunc obiter memoro, distinctiora videas, atque perspicias omnino evidentia, si opus adeas meum pluries memoratum (a).

126. Porro dumtaxat post editum opus meum maxima jactantate perlegens extantem in tertio volumine Miscellaneorum Taurinensium dissertationem insignem, in qua Clarissimus Cigna ingeniosissima, pariter ac profundissima, accuratissimaque in sericis tæniis experimentorum serie analisim potissimum persecutus est Simmeriani cruralium sericorum phænomeni, eundem novi suorum experimentorum consideratione jam tum eo adductum, ut, quemadmodum ego senseram, ita & ipse multo prius acutissime, perspicacissimeque sentiret, abjiciendam eam, qua ipse quoque imbutus fuerat, sententiam, a communi recedendum, & jamdudum recepto electricistarum effato, electricitates onerantes vitrum, & aliud quodque corpus cohibens in oppositis ejus superficiebus totas residere, quin tamen oppositi congruentiam, cum simplicissimis doctrinæ Franklinianæ principiis pervideret (b). Quam igitur in doctrina

(a) *Nuova disc. lib. 3. cap. v.*

(b) *Miscellan. Taurin. tom. 3. pag. 60. §. 76.*

ctrina Frankliniana mea illius veritatis a me non primo perspectæ, inventæque demonstratio, eam in re electrica generatim spectata epocham faciet ejusdem veritatis a me primo demonstratæ inventio celebratissimo Anatomicae facultatis Professori plane gloriosam.

127. Atque ex eadem veritate superius memorata (122. 123.) liceat adhuc mihi colligere, corporum cohibentium onerationem evidenter ineptam esse comparandæ originali ignis electrici quantitati cujusque superficiei eorumdem cum originali ignis electrici quantitate superficiei æque amplæ corporum deferentium: ac propterea non modo minus tutum ex onere corporum cohibentium, prout optime, verissimeque deduxit Clarissimus Cigna ex contraria, & æquali electricitate, quam electricitas per frictionem excitata in serica tænia, atque ibidem retenta, ac cohibita allicit in attiguam extremitatem laminæ plumbeæ communicantis cum solo (a); sed nullum plane duci posse argumentum, quo evincatur, ignem originali diffusionem insidentem corporibus cohibentibus majore copia, & densitate insidere, quam infideat corporibus deferentibus.

G 4

128.

(a) *Miscellan. Taurin. tom. 3. pag. 46. §. 73.*

128. Quamquam, cujus rei argumentum duci plane non potest ex onere corporum cohibentium, eam firmissime, evidentissimeque evincit ipsa per se consideratio differentiae, quæ intercedit inter corpora cohibentia, & deferentia, unde per hæc ignis electricus liberrime, & ad distantiam quamlibet excurrit, ac promovetur, difficillime, ægerrime, & nonnisi ad aliquam omni sensibili minorem distantiam per illa. Quod sane evincit, ignem electricum originali diffusionem insidentem ab illis maxime retineri, adeoque nondum insidentem maxime attrahi, appetique, nullatenus ab istis. Posita vero in corporibus cohibentibus maxima, in deferentibus nulla vi ignis electrici attrahendi, appetendique, ipsa diffusionis ubique æquilibratæ ratio ore postulat suo, ut originali diffusionem ignis electricus densissimus illis, istis rarissimus infideat.

129. Natura denique, ac species corporis deferentis semper patitur, ac permittit, onerationem determinare duarum electricitatum ex partibus hinc inde oppositis A & Z ad partes hinc inde oppositas Z & A progredi, & sese mutuo allicere conantium actualem absolutum progressum, allectionemque, tum inter attiguas extremitates duarum quarumque proximarum particularum illud compo-

nen-

nentium, tum inter quamque duarum oppositarum illius superficierum, vel extremitatum, & attiguam extremitatem proximi indusii, proptereaquod inter easdem semper patitur, ac permittit, actu fieri totius ignis moveri conantis motum (53). Inter priores tamen, sicuti actu semper fieri debet hic totius ignis moveri conantis motus, ita oneratio semper determinat actualem illum electricitatum progressum, & allectionem; sed inter posteriores oneratio determinat actualem illum electricitatum progressum, & allectionem omni, vel nulla, vel minima dumtaxat aliqua æquali portione, prout actualem hunc ignis moveri conantis motum inter easdem omni, vel nulla, vel minima dumtaxat aliqua portione fieri patitur, ac permittit natura, ac species indusii, quod sit, vel perfecte cohibens, perfecteve cohibenti æquipollens, vel cohibens imperfecte, nec æquipollens perfecte cohibenti.

130. Quamobrem si, cæteris paribus ac in numero 107. deferens fuerit corpus EN oneratum ex parte A versus partem Z, quoad attiguas extremitates duarum quarumque proximarum particularum ipsum componentium, ejus status ibidem indicatus, atque descriptus erit instantaneus. Dux electricitates contrariæ, ac æquales, absolute

pro-

106
 progressæ, allestæque ex partibus hinc inde
 oppositis A & Z in attiguas extremitates
 prædictas, ceu F & G, H & L &c., actu
 ulterius inter easdem absolute progrediuntur,
 alliciunturque, nullaque portione in iisdem
 absolute sistunt, ac permanent. Quemad-
 modum vero, quoad ambas extremitates
 attiguas D & E, N & O onerati corpo-
 ris deferentis EN, & cujusque indufiorum
 hinc inde ab ipso existentium, status in
 numero 107. indicatus, atque descriptus erit
 instantaneus, vel permanens, vel æquali
 maxima portione permanens, & æquali mi-
 nima portione reliqua instantaneus; ita duæ
 contrariæ, ac æquales electricitates, ex par-
 tibus hinc inde oppositis A & Z in easdem
 attiguas extremitates actu absolute progressæ,
 allestæque omni, vel nulla, vel æquali maxima
 portione inter easdem actu absolute progre-
 diuntur, alliciunturque, nullaque, vel omni,
 vel æquali minima portione reliqua in iis-
 dem sistunt, ac permanent, prout deferens
 est, vel perfecte cohibens, perfecteve cohi-
 benti æquipollens, vel cohibens imperfecte,
 nec æquipollens perfecte cohibenti indufium
 ipsum. Scilicet electricitas excessus, quæ
 progredi conatur, & est allicienda ex parte
 A ad partem Z per totam corporis EN
 substantiam, & attiguas indufiorum hinc inde
 exi-

107
 existentium extremitates D & O, tota actu
 absolute progreditur, alliciturque ex E per F
 in G, ex F per G in H, ex G per H in I &c.,
 ac tandem ex L per M in N, nempe per
 totam portionem internam FM; absolute
 autem, vel compensative, vel maxima por-
 tione compensative, & minima portione
 reliqua absolute progreditur, alliciturque ex
 parte A per D in E, & ex D per E in F,
 ex M per N in O, & ex N per O ad
 partem Z. Item æqualis electricitas defectus,
 quæ progredi conatur, & est allicienda ex
 parte Z ad partem A per totam corporis
 EN substantiam, & attiguas indufiorum hinc
 inde existentium extremitates D & O, tota
 actu absolute progreditur, alliciturque ex N
 per M in L, ex M per L in I, ex L per
 I in H &c., ac tandem ex G per F in E,
 nempe per totam internam portionem FM;
 absolute autem, vel compensative, vel æquali
 maxima portione compensative, & æquali
 minima portione reliqua absolute progreditur,
 alliciturque ex parte Z per O in N, & ex
 O per N in M, ex F per E in D, & ex
 E per D ad partem A. Atque instantanea
 semper est operatio cujusque particulæ cor-
 pus deferens EN componentis respectu par-
 ticulæ alterius proximæ: sed instantanea est,
 vel permanens, vel maxima portione
 per-

permanens, & instantanea minima portione reliqua oneratio, tum integri corporis deferentis EN, tum cujusque oppositarum ejusdem superficierum EF, MN respectu attiguae extremitatis D vel O indusii proximi (108).

131. Hinc videas, contrarias, & æquales electricitates actu absolute progressas, allectasque per totam portionem internam FM ab extremitatibus oppositis N & E in oppositas extremitates E & N corporis deferentis EN separati a solo per aerem circumquaque ambientem, mersique in electrica atmosphæra alicujus alterius corporis, ceu catenæ in communi electrico apparatu (quas Beccaria (a) placuit appellare electricitates simplicis pressionis) esse electricitates oneratas, quarum actualis absolutus progressus, & allectio per totam portionem internam FM ab oppositis extremitatibus N & E in oppositas extremitates E & N, & conatus progrediendi, alliciendique ulterius versus partes hinc inde oppositas A & Z determinatur ab actuali oneratione ipsius corporis deferentis EN utrinque induti aere, indusio nempe perfecte cohibenti (130); easdemque plane esse, ac electricitates oneratas, quarum

(a) *Beccar. dell' electr. artif.* §. 423.

rum dumtaxat compensativus actualis progressus, & allectio per totam internam portionem FM ab oppositis extremitatibus N & E in oppositas extremitates E & N corporis perfecte cohibentis EN, ceu strati aeris, vel corporis EN imperfecte cohibentis, ceu laminæ vitreæ, utrinque induti indusii deferentibus, & conatus progrediendi, alliciendique ulterius versus partes hinc inde oppositas A & Z determinatur ab actuali ejusdem oneratione: atque quemadmodum istis respondent in attiguis extremitatibus D & O indusiorum hinc inde existentium contrariæ, & æquales electricitates onerantes; ita contrarias, & æquales illis respondere electricitates onerantes in attiguis extremitatibus D & O aeris hinc inde induentis.

132. Hoc ubi perspicias discrimen, quod in oneratione deferentis corporis EN utrinque aere induti explorari possunt, ac dispici electricitates oneratae actu absolute progressæ, allectæque per internam illius portionem FM ab oppositis ejus extremitatibus N & E in oppositas extremitates E & N, utpote quas actu ulterius progredi absolute, allicique versus partes hinc inde oppositas A & Z patitur, ac permittit natura, ac species ipsius onerati corporis deferentis EN; minime vero explorari possunt, ac dispici electricitates

one.

ceu toti amplitudini soli, adeo ut infinita parvæ, nihilo æqualis, & nullius exitura sit, vel existat magnitudinis relativæ, nullus plane esse debet nifus ibidem servandi, vel restaurandi status originalis.

136. Repugnat autem, motu ignis electrici, vel ejus ad motum conatu aliquam alicubi fieri status originalis perturbationem, nisi quatenus aliqua alibi jam præexistit destruentia status originalis perturbatio. Videlicet, excepta electricitate spuria, quæ alicubi potest insurgere, & excitari per frictionem, vel aliam aliquam eidem excitandæ aptam actionem, omnis perturbatio status originalis in loco quolibet communicatione determinatur, atque producitur.

137. Item repugnat, motu electrici ignis, ejusque conatu ad motum niti restaurari alicubi statum originalem, & destrui factam ibidem ipsius status perturbationem, si alia interea alibi, & æqualis, sed specie superior facienda sit nova status originalis perturbatio.

138. Tunc solum se debet exerere nifus destruendæ alicubi factæ perturbationis status originalis, utut æqualis alibi facienda sit nova ejus perturbatio, adeo ut suppositæ perturbationis eadem servanda sit totalis absoluta magnitudo, cum nova facienda per-

tur.

turbatio specie inferior est, vel est ejusdem quidem speciei, sed per ipsam minuitur suppositæ perturbationis magnitudo relativa, quatenus ista majori distribuitur amplitudini. Diminutionem hanc magnitudinis relativæ cujuslibet perturbationis datæ status originalis appello *diminutionem per ampliationem* (a).

139. Quapropter primo loco electricitas quælibet excessus, vel defectus, quatenus est status originalis perturbatio (101), utpote consistens in incremento supra originalem, vel infra originalem decremento densitatis ignis electrico loco dato insidentis (65), pollet *tendentia ad destructionem*, vel *vi diffusiva*, hoc est vi se movendi versus eam partem, versus quam mota absolute destrui potest, vel in nihilum abire, & evanescere, vel destrui compensative, vel saltem minui per ampliationem.

140. Vim diffusivam electricitatis veræ, quæ ex. gr. ex parte A in aliquem locum ventura sit, & allicienda, vel venerit, allectaque fuerit, appello *progressivam*, quatenus electricitas ipsa progredi conatur, & allicienda est ulterius ex dicto loco versus partem oppositam Z, & appello *regressivam*, quatenus electricitas ipsa regredi conatur, & est dimittenda versus eandem partem A.

H

Hac

Hac tamen vi diffusiva, tum progressiva, tum regressiva pollere intelligenda est electricitas vera, quamdiu ipsa suam electricitatis naturam servat, vel quando amissam suam electricitatis naturam recuperat. Diffusio enim veræ electricitatis ex loco dato, sua tamen carentis natura electricitatis novam loci dati induceret veram electricitatem contrariam, cujus productio plane repugnat (136). Nempe in proposito casu locus electricus excessu vero ignem redundantem retinet, recusatque dimittere, quasi non redundantem; & locus electricus vero defectu ignem deficientem recuperare recusat, quasi non deficientem.

141. Sic vera electricitas per frictionem infixam ex parte corporis fricantis in fricatam superficiem corporis cohibentis, ceu vitri, vel sulphuris in communi electrico apparatu, durante frictione, omni carere debet vi diffusiva, tum progressiva, tum regressiva, utpotequæ sua caret electricitatis natura: atque vim diffusivam, tum progressivam, tum regressivam debet exerere dumtaxat, cessante frictione, & quidem successive ac lente; proptereaquod, dumtaxat cessante frictione, & quidem successive, ac lente amissam suam electricitatis naturam recuperat (76). Dixi, electricitatem veram frictione

tionem infixam carere debere omni vi diffusiva non solum regressiva, sed etiam progressiva: cum enim ejus progressum, & allectionem in fricatam cohibentem superficiem determinaverit saturanda contraria electricitas spuria per frictionis actionem excitata in cohibenti superficie; eadem saturata, nulla est ratio, cur vera electricitas infixam ulterius progredi conetur, sique allicienda.

142. Item vera electricitas per communicationem infixam ex una parte in superficiem corporis imperfecte cohibentis, ceu laminæ vitreæ, saltem maxima portione carere debet omni vi regressiva; ea nempe maxima portione, qua actu compensative destruitur ab electricitate spuria contraria excitata in illa superficie, caretque sua electricitatis natura: nec vim regressivam debet exerere, nisi post remotam violentiam infigentem; & quidem successive, ac lente, hoc est prout, absolute destrui desinit, amissamque suam naturam recuperat (78). Dixi, electricitatem veram communicatione infixam carere debere omni quidem vi regressiva, non tamen vi progressiva. Nam ejus progressum, & allectionem determinavit non contraria, electricitas spuria, quæ fuerit saturanda in dati corporis imperfecte cohibentis superficie,

quemadmodum in casu numeri præcedentis, sed alia causa, vel vis veram electricitatem inficiens: imo ab ipsa veræ electricitatis infixæ violentia determinata fuit contraria compensans electricitas spuria in dati corporis imperfecte cohibentis superficie.

143. Quod dixi in numero præcedenti de maxima saltem portione electricitatis veræ communicatione infixæ ex una parte in superficiem quamque corporis imperfecte cohibentis, ob similem rationem intelligatur de aliqua saltem minimula portione electricitatis veræ communicatione infixæ ex una in alteram extremitatem cujusque particulæ corpus imperfecte cohibens componentis, non tamen componentis corpus perfecte cohibens (79).

144. Neque dicas, electricitatem veram, vel frictione, vel communicatione infixam in superficiem corporis imperfecte cohibentis, cessante frictione, vel remota violentia infigente, successive, ac lente dumtaxat explicare, & exerere vim regressivam, non quatenus natura electricitatis actu careat sua, eamque successive, ac lente dumtaxat recuperet; sed propterea quod, utut electricitatis naturam actu retinens vim exerat regressivam, difficulter, atque ægre regrediatur, ejus regressui resistente ipsa cohibente dati corporis

poris natura. Nam, quemadmodum electricitas vera per frictionem infixæ ex parte corporis fricantis in fricatam corporis imperfecte cohibentis superficiem infigi certe debuit, non quatenus respectu ipsius superficiæ actu naturam haberet electricitatis, quod foret repugnans (136), sed quatenus ob intrinseci status mutationem actione frictionis superficiæ illatam respectu ejusdem natura carebat electricitatis; ita, cessante frictione, eadem vera electricitas infixæ non omittit conari regredi, esseque dimittenda ex eadem superficie, nisi quatenus respectu ipsius superficiæ ob perseverantem illatam mutationem suam electricitatis natura carere pergit, ut per se patet. Quibus vero ratione, modo, & causa intelligenda est vi regressiva carere electricitas vera infixæ per frictionem, iisdem sane intelligenda est vi regressiva carere vera electricitas infixæ per communicationem. Nulla enim est ratio, cur diverso modo intelligantur similia phænomena, quæ modo intelligi possunt eodem.

145. Altero loco vis diffusiva cujuslibet electricitatis datæ esse debet directe proportionalis relativæ, non absolutæ ejusdem magnitudini (134); ac propterea nulla est vis diffusiva electricitatis, quæ finitæ quidem exitura sit, vel existat magnitudinis absolutæ,

150. Sexto loco contrariarum vero, ac æqualium electricitatum prædictarum eodem tempore cohibitarum, ac residentium in duobus locis attiguis, & sese mutuo compensative destruentium, suasque in se invicem diffusivas vires dirigentium, & allicientium, una quidem ex parte alterius distrahura per se est suam vim diffusivam versus oppositam partem, si versus ipsam se diffundendo etiam absolute destrui possit, vel nihilum abire, & evanescere; vel pergens compensative destrui, minui tamen adhuc possit saltem per ampliationem: sed actu distrahere non debet, nisi simul, ac æqualiter ex parte ipsius versus partem oppositam vim suam diffusivam distrahat altera. Secus enim etiam compensative destrui defineret altera electricitas, quæ saltem compensative destruebatur; idque, æquipolleret novæ electricitatis productioni, quæ repugnat (36).

151. Neque difficile fuerit conjicere, qua mechanica ratione, & modo agat ea vis diffusiva electricitatis cujuslibet. Nam, quatenus tantum determinat incrementum supra originale, vel infra originale decrementum vis tensivæ totalis versus circumposita loca actu non electrica exerendæ ab igne, qui dato loco electrico insidet (37), conaturque supra originale augere, vel infra origina-

lem

lem minuere ignis ejusdem partialem vim tensivam versus partem datam, quantum supponit in igne eodem densitatis supra originale incrementum, vel infra originale decrementum (65), quælibet electricitas excessus, vel defectus vi sua diffusiva (19) conatur perturbare originale æquilibrium ignis originali densitate insidentis loco ex data parte proxime adjacenti, atque communicatione etiam originale æquilibrium ignis originali densitate insidentis locis ex eadem parte usque & usque remotius continuitate perpetua adjacentibus; atque præcise tantum illa diffusivam vim actu dirigit versus partem datam, quantum actu perturbat originale prædictum æquilibrium (88. 95. 96.).

152. Facilis igitur, & obvia sese offert resolutio quartæ quæstionis propositæ sub numero 20.. Nimirum quælibet electricitas excessus, vel defectus dati loci per se conatur onerare substantiam actu non electricam cujusque adjacentis corporis, & corporeæ particulæ vi diffusiva, qua pollet, quatenus consistit in incremento supra originale, vel infra originale decremento densitatis ignis loco electrico insidentis (139). Ea vi diffusiva conatur onerare ex parte sui versus partem oppositam, vel ex hac versus illam cujusque adjacentis corporis, & corporeæ par-

122
particulæ substantiam actu non electricam, quatenus determinat respondens supra originale incrementum, vel infra originale decrementum vis tensivæ totalis ab igne, qui loco electrico insidet, quaquaversum distributive exerendæ, atque tantumdem versus illam substantiam conatur supra originale augere, vel infra originale minuere partialem hujus ignis vim tensivam (151). Denique ea vi diffusiva conatur onerare substantiam actu non electricam cujusque adjacentis corporis, & corporeæ particulæ, nitendo perturbare originale æquilibrium ignis eidem, & extremitatibus attiguis indusiorum hinc inde existentium originali densitate insidentis (99).

153. Eadem vero dati loci electricitas excessus, vel defectus supposita in numero præcedenti tantam præcise suæ vis diffusivæ portionem actu dirigit versus partem datam & tantum versus eam actu conatur progredi, estque allicienda per substantiam cujuslibet corporis, & corporeæ particulæ inde adjacentis, quantum actu onerat substantiam ipsam (151).

154. Ergo universalissime (110), quanta electricitas unius generis progredi conatur, & est allicienda ex uno duorum locorum per alterum ad partem oppositam ex. gr. Z vel

123
vel A, tanta electricitas generis contrarii actu progreditur, alliciturque absolute ex ipsa parte Z vel A in alterum locum, vel in altero loco præexistit, atque inde progredi ulterius conatur, estque allicienda per primum locum ad partem oppositam A vel Z. Iisdem autem quantitate, & modo hæc actu progreditur, alliciturque ex altero loco in primum, vel contra in altero loco sistit, permanetque, quibus actu illa progreditur, alliciturque ex primo loco in alterum, vel contra in primo loco sistit, permanetque. Vicissim quanta electricitas unius generis progredi conatur, & est allicienda in unum duorum locorum per alterum ex parte opposita Z vel A, tanta electricitas generis contrarii actu progreditur absolute, alliciturque versus partem Z vel A ex altero loco, atque in hunc progredi ulterius conatur, estque allicienda per primum locum ex parte opposita A vel Z, vel ex primo loco, in quo præexistebat. Iisdem autem quantitate, & modo hæc actu progreditur, alliciturque in alterum locum ex primo, vel contra in primo loco, sistit, permanetque, quibus actu illa progreditur, alliciturque in primum locum ex altero, vel contra in altero loco sistit, permanetque.

155. Cujus amplissimæ veritatis in doctrina Frankliniana evidenter necessariæ nonnisi confectarium minus amplum est id, quod me hic demonstraturum pollicebar, atque innuebam sub numero 20. meæ superius memoratæ ad Clarissimum Canonicam epistolæ: datis duobus locis attiguis quibusque G & H, quanta electricitas dati generis actu conatur progredi, estque allicienda ex loco G per locum H ad partem Z, tantam electricitatem generis contrarii actu progredi, allicique ex ipsa parte Z in locum H, vel ibidem præexistere, atque inde conari ulterius progredi, esseque alliciendam per locum G ad partem oppositam A, atque hanc tantumdem progredi, allicique actu ex H in G, vel contra sistere, ac permanere in H, quantum actu illa progreditur, vel non progreditur, alliciturque, vel non allicitur ex G in H.

156. Neque minus liquet id, quod addebam sub numero 21. ejusdem epistolæ supponendo, duo loca attigua prædicta G & H esse attiguas extremitates duorum proximorum corporum CDEFG & HN; videlicet electricitatem, quæ actu progreditur, alliciturque ex parte Z in extremitatem H corporis HN, progredi, allicique ex majore portione totius profunditatis corporis HN,
pro

pro minore ejus cohibentia, ac proinde ex totali ejus profunditate, si deferens ipsum supponatur: nam electricitas actu absolute progrediens, allestaque ex parte Z in extremitatem H corporis HN, quod sit cohibens, actu absolute progreditur, alliciturque dumtaxat ab extremitate altera ex. gr. I particulæ ipsum componentis extremæ HI (112), cujus crassities est inverse proportionalis cohibentiæ (47), nec nisi compensative progreditur, alliciturque ex reliqua ejus substantia IN. Contra electricitas actu absolute progrediens, allestaque ex parte Z in extremitatem H corporis HN, quod sit deferens, actu absolute progreditur, alliciturque etiam ex tota reliqua ejusdem substantia IN, nedum ab extremitate prædicta I (131).

157. Veritatis, quam in doctrina Frankliniana plane necessariam primus demonstravi sub numero 155., corollarium est spontaneum, atque immediatum, imo specialis casus (ut aiebam sub numero 22. prædictæ epistolæ) id, quod dumtaxat paullo ante in volumine tertio Miscellaneorum Taurinensium pag. 47. 48. §. 45. 46. 47., & nota g. novi acutissime, dexterrimeque usque ab anno 1762. perspectum a Clarissimo Cigna, quin tamen ejus nexum cum doctrina Frankliniana a me superius demonstratum perspiceret: electricita-
tem

tem frictione illatam in taniam sericam, atque ab ea retentam, ne in laminam plumbeam proximam actu progrediatur, alliciaturque, sive diffundatur, suo ipso conatu allicere æqualem electricitatem contrariam in attiguam ipsius laminæ plumbeæ extremitatem ex reliqua ejusdem substantia: similiter electricitatem quoquomodo ex una parte, vel frictione, vel communicatione infixam in unam superficiem vitri, alteriusve corporis cujusque cohibentis, atque ab ea retentam, ne in proximum deferens corpus, indusumve actu regrediatur, dimittaturque, sive diffundatur, in quod regredi conatur, & est dimittenda, sive diffundenda, suo ipso conatu allicere æqualem electricitatem contrariam in attiguam illius extremitatem ex reliqua ejusdem substantia.

158. Cumque veritatis multo amplioris, quam primus in doctrina Frankliniana necessariam demonstravi sub numero 154., corollarium luculentissimum sit, tum veritas minus ampla mox memorata, tum hæc alia, electricitatem progredi conantem, & alliciendam ex una parte per totam corporis cohibentis substantiam ad partem oppositam, sed cohibitam, ne actu progrediatur alliciaturque, atque inde sistentem, ac permanentem allicere versus corpus ipsum cohibens ex parte oppo-

posita electricitatem contrariam similiter inde sistentem, ac permanentem; liquet, doctrinæ Franklinianæ apprimè consentaneum jam constare id, quod idem Vir perspicacissimus jam tum optime, verissimeque ab experimentis deduxit: quemadmodum electricitas ex una parte infixæ, & retenta a superficie corporis cohibentis, ne ex ipsa regredi possit, dimittrique versus dictam partem, versus quam cæteroquin regressura foret, & dimittenda, allicit electricitatem contrariam in attiguam corporis deferentis inde proximi extremitatem; ita electricitatem cohibitam, ne ex una parte ad partem alteram oppositam actu progrediatur, alliciaturque per interpositi corporis cohibentis substantiam, per quam cæteroquin foret progressura, & allicienda, allicere contrariam electricitatem in attiguam extremitatem corporis deferentis proximi ex ipsa ipsa parte opposita.

159. Quemadmodum in vero, latissimoque sensu considerata operatio ex una versus alteram duarum hinc inde oppositarum partium A & Z, ex. gr. ex parte A versus partem Z, corporis cujusque EN utrinque induti indusiis, quorum attiguarum extremitates sint D & O, ut in numero 107., est perturbatio originalis æquilibrii ignis originali den-

densitate insidentis eidem, & attiguis extremitatibus D & O indusiorum hinc inde existentium; ita deoneratio onerati corporis EN in vero, latissimoque sensu considerata est restauratio dicti originalis æquilibrii perturbati, atque tot modis diversis illa deoneratio, quot ista restauratio, possibilis est intelligenda. Simile dicatur de deoneratione cujusque oneratæ particulæ oneratum corpus EN componentis.

160. Atqui respectu cujusque duarum hinc inde oppositarum partium A & Z, & attiguarum extremitatum D & O duorum indusiorum hinc inde existentium perturbatum originale æquilibrium ignis originali densitate insidentis restauratur, si inter dictam extremitatem, totumque oneratum corpus EN ex parte A versus partem Z actu moveatur totus ignis, qui actu conatur moveri, hoc est actu progrediantur absolute, allicianturque totæ electricitates contrariæ, ac æquales conantes progredi, & alliciendæ, una excessus ex parte A versus partem Z, altera defectus ex parte Z versus partem A. Ergo actuali illo ignis motu, atque absoluto hoc progressu, allectioneque electricitatum, quo respectu cujusque duarum hinc inde oppositarum partium A & Z, & attiguarum extremitatum D & O indusiorum hinc inde
exi-

existentium instantanea fit oneratio (108), respectu ejusdem absolvitur deoneratio corporis dati EN (159). *Progressivam* appello hanc deonationem a nemine hætenus consideratam.

161. Progressivam hanc deonationem respectu cujusque duarum hinc inde oppositarum partium tunc solum patitur, ac permittit natura, ac species, tum onerati corporis EN, tum indusii inde existentis, cum utrumque est deferens.

162. Præterea progressiva deoneratio onerati corporis dati EN fieri potest respectu unius duarum hinc inde oppositarum partium A, Z, & attiguæ extremitatis indusii inde existentis, quin simul fiat respectu partis alterius, & attiguæ extremitatis indusii inde existentis, quatenus deferens quidem sit oneratum corpus EN, & indusium existens ex prima parte, sed cohibens indusium existens ex parte altera.

163. Denique in progressiva doneratione onerati corporis EN ea pariter est imperturbabilis connexio electricitatum contrariarum, & æqualium, progredi, & sese mutuo allicere conantium ex partibus hinc inde oppositis A & Z ad partes hinc inde oppositas Z & A, ut semper ambæ simul, & æqualiter absolute progrediantur, allicianturque

130
inter duos quosque terminos. Ejusque connexionis ratio, & causa eo pariter redit, quod eodem ignis motu, quo actu ab uno ad alterum terminum datum absolute progreditur, alliciturque electricitas unius generis, actu absolute progreditur, alliciturque ab altero ad primum contraria, & æqualis electricitas (73).

164. Quam in rem tres juvat hic obiter renovare animadversiones. Primo, aliquam quasi progressivam deonationem pati posse, ac permittere naturam, ac speciem onerati corporis EN etiam perfecte cohibentis, si ipsum fluidum sit, ceu aer, adeo ut vis, qua determinata ignis quantitas conatur moveri ab una versus alteram duarum attiguarum extremitatum D & O indusiorum hinc inde existentium, atque inter easdem progredi, & sese mutuo allicere conantur duæ electricitates contrariæ, ac æquales, pervincere valeat cohesionem partium onerati corporis EN, easque quaquaversum disjicere. Qui enim motus ignis, & progressus, ac allectio electricitatum inter D & O fieri nequit per oneratam totius corporis EN substantiam ob perfectam ejus cohibentiam, fieri quidem poterit per locum ab eadem substantia disjecta relictum, intereadam cessare poterit omnis in disjecta corporis cohibentis EN substantia perturbatio ori-

131
originalis æquilibrîi ignis originali densitate insidentis ob declinatam vim perturbantem; atque actu fiet aliqua portione, ad certum usque limitem aucta vi disjiciente, minutaque crassitie substantiæ disjiciendæ. Hanc appello *progressivam deonationem per disjectionem* (a).

165. Secundo ad progressivam deonationem per disjectionem onerati aeris utrinque induti indusiis deferentibus reducenda plane esse omnia electrica signa, scintillam, auram, pennicillum, & stellulam; atque ad similem progressivam deonationem onerati corporis cujuslibet alterius cohibentis liquidi, ceu olei, induti utrinque corporibus deferentibus reducenda esse signa eadem electrica, quæ inter dicta corpora deferentia se produnt.

166. Tertio, simul, conspiranter, ac æqualiter oneratis duobus stratis aeris, interpositaque lamina vitrea continuatam seriem cohibentem componentibus, progressiva deonatione per disjectionem aeris hinc inde existentis onerandam esse laminam vitream electricitatibus hinc inde onerantibus, quæ totæ sistant, permaneant, resideantque in oppositis ejus superficiebus. Illam enim progressivam deonationem per disjectionem ob

I 2

imper-

(a) *Nuova disc.* §. 411. 532.

132
imperfectam laminæ vitreæ cohibentiam patiuntur, ac permittunt aliquatenus oppositæ ejus superficies induentes oneratum aerem hinc inde existentem, patiturque fluida ipsius aeris natura. Hoc tamen in casu attendendum est, contrarias, ac æquales electricitates onerantes progressas, allectasque ex partibus hinc inde oppositis versus laminæ vitreæ superficies maxima portione sistere, permanere, ac residere in infinite parvis extremis laminæ vitreæ profunditatibus, quas appello *oppositas ejus facies*; reliqua dumtaxat portione minima altius insidere infixas in finitas profunditates extremas, hoc est in oppositas illius superficies; atque, sicuti illa maxima portione electricitates onerantes prædictæ talis naturæ sunt, qualis forent, si residerent in attiguis extremitatibus indusiorum deferentium hinc inde existentium, ita istorum vices gerere illas oppositas facies.

167. Unde colligas, Beccariam ex oneratione laminæ vitreæ utrinque nudæ, sive potius utrinque aere indutæ, interpositæque apicibus sibi mutuo respondentibus duarum virgarum metallicarum, quarum una ex. gr. communicet cum catena electrica, altera cum solo, minus recte intulisse, opinatumque esse, magis magisque confirmari jamdudum propugnatam permanentiam totalium electricita-

133
citatum onerantium laminam vitream indusiis deferentibus indutam in oppositis ejus superficiebus (a).

168. Sed præterea perturbatum originale æquilibrium ignis originali densitate insidentis onerato corpori EN, attiguisque extremitatibus D & O indusiorum hinc inde existentium, quod actuali motu ignis moveri conantis, & absoluto progressu, allectioneque electricitatum progredi, & sese allicere conantium non sit restauratum, restaurari potest per novas mutationes partialium virium tensivarum ignis insidentis onerato corpori dato EN, attiguisque extremitatibus D & O contrarias iis, quæ jam factæ sunt, illiusque onerationem constituunt. Ergo etiam novis illis mutationibus fit deoneratio corporis EN onerati, nec progressive deonerati (159). Simile dicatur de deoneratione cujusque particulæ ipsum corpus EN componentis.

169. Quo autem mechanico principio oneratio substantiæ cujuslibet corporis, vel corporeæ particulæ necessario coalescit ex duabus contrariis, & æqualibus mutationibus partialium sibi mutuo oppositarum virium tensivarum ignis insidentis oneratae substantiæ,

I 3

(a) Nuova disc. §. 450.

tiæ, & attiguæ extremitati induſii proximi (95); eodem hæc deoneratio illius oneratæ ſubſtantiæ reſpectu dictæ partis non fit, niſi per novas duas illis contrarias, & inter ſe iterum æquales earumdem partialium virium tenſivarum mutationes. Similiter, quo mechanico principio oneratio ſubſtantiæ cujuſlibet corporis, vel corporeæ particulæ fieri nequit, niſi contraria, & æqualis reſpectu ambarum ſimul hinc inde oppoſitarum partium (98), eodem hæc deoneratio illius oneratæ ſubſtantiæ fieri nequit, niſi æqualis reſpectu ambarum ſimul hinc inde oppoſitarum partium. Denique quemadmodum oneratio ſubſtantiæ cujuſlibet corporis, vel corporeæ particulæ neceſſario determinat ſibi æqualem ignis conatum ſe ſubſtituendi ex una ad alteram duarum hinc inde oppoſitarum partium, tum in tota onerata ſubſtantia, tum in attiguis induſiorum hinc inde exiſtentium extremitatibus (100); ita hæc illius oneratæ ſubſtantiæ deoneratio neceſſario ſibi æqualem determinat ejuſdem ignis ceſſationem conatus ſe movendi ex prima verſus alteram partem, quatenus actu motus non eſt ob onerationem, & conatum regrediendi ex altera verſus primam partem, quatenus actu motus eſt ob onerationem. Nempe mutatione plane ſimili in ſenſu oppoſito, & in ſenſu

ſenſu eodem contraria illi, quæ onerationem abſolvit, continetur omnis reſreſſiva deoneratio; atque de hac plane verificari intelligenda ſunt ea omnia, quæ initio conſtituta ſunt de deoneratione, eandemque unice ſpectare intelligendæ ſunt reliquæ tres initio propoſitæ quæſtiones reſolvendæ (29. 30. 31.). Hanc deonerationem appello *reſreſſivam*, ut eam diſtinguam ab altera, quam progrefſivam ſuperius appellavi (160).

170. Quod itaque ad quintam attinet quæſtionem propoſitam ſub numero 29., primo ſi perfecte cohibens, vel perfecte cohibenti æquipollens ſit corpus EN, permanenter oneratum ex parte A verſus partem Z, indutumque induſiis, quorum attiguæ hinc inde extremitates ſint D & O, ut in numero 115., ob ejus deonerationem reſreſſivam, quemadmodum duorum quorumque terminorum actualis ſtatus patitur, ac permittit totum actu inter ipſos regredi ignem, qui inter eoſdem motus eſt ob onerationem, & conatur regredi; ita contrariæ, & æquales electricitates, una exceſſus ex parte Z verſus partem A, altera defectus ex parte A verſus partem Z, regredi conantes, & ſeſe mutuo dimittere actu regrediuntur, dimittunturque abſolute, vel compenſative inter duos quoſque terminos, prout inter ipſos abſolute,

vel compensative progressæ, allecæque sunt ob onerationem (84). Quamobrem nulla superest ullibi electricitas, atque status corporis EN regressive deonerati, & attiguarum extremitatum D & O indusiorum hinc inde existentium fit $\text{D. } \overset{\circ}{\text{E}}\overset{\circ}{\text{F}}, \overset{\circ}{\text{G}}\overset{\circ}{\text{H}}, \overset{\circ}{\text{I}}\overset{\circ}{\text{L}}, \text{MN. } \overset{\circ}{\text{O}}$ (85); atque totæ electricitates contrariæ, ac æquales inter quamque duarum hinc inde oppositarum partium A, Z, & corpus EN tantum absolute regrediuntur, dimittunturque, quantum absolute progressæ, allecæque sunt ob onerationem. Hinc dico, onerationem corporis perfecte cohibentis, vel perfecte cohibenti æquipollentis *regressu absoluto totam mobilem esse, atque deonerari.*

171. Secundo si imperfecte cohibens, nec perfecte cohibenti æquipollens sit dictum corpus EN permanenter oneratum ex parte A versus partem Z, indutumque indusiis, quorum attiguae hinc inde extremitates sint D & O, ut in numero 119., ob deonationem ejus regressivam omnia quidem simili de causa similiter fiunt, ac in numero præcedenti: hoc unice discrimine, quod, quemadmodum actualis status superficierum oppositarum EF, MN non patitur inter E & D, inter N & O regredi ignem, qui inter E & D, inter N & O actu motus est ob onerationem, & conatur regredi, hoc est superficies EF recusat di-

mittere versus partem A ignem redundantem, quasi non redundantem, & superficies MN recusat recuperare ex partem Z ignem deficientem, quasi non deficientem (140) ob electricitates onerantes iisdem infixas ex partibus hinc inde oppositis A & Z actu carentes electricitatum natura (142); ita electricitates contrariæ, ac æquales inter quamque oppositarum superficierum EF, MN, & attiguum indusi proximi extremitatem D & O absolute progressæ, allecæque ob onerationem, & ob deonationem regressivam regredi conantes, & sese mutuo dimittere, non absolute, sed dumtaxat compensative regrediuntur, dimittunturque (84). Quamobrem, sicut in oppositis superficiebus EF, MN fiunt, ac perseverant electricitates onerantes ex partibus hinc inde oppositis A & Z infixæ ob onerationem; ita in attiguis extremitatibus D & O fiunt, ac permanent illis contrariæ, & æquales electricitates ex partibus hinc inde oppositis A & Z regressæ, dimissæque ob regressivam deonationem, adeo ut istæ illas compensent, & ab iisdem vicissim compensentur; atque status corporis EN regressive deonerati, & attiguarum extremitatum D & O indusiorum hinc inde existentium fit $\text{D. } \overset{\circ}{\text{E}}\overset{\circ}{\text{F}}, \overset{\circ}{\text{G}}\overset{\circ}{\text{H}}, \overset{\circ}{\text{I}}\overset{\circ}{\text{L}}, \text{MN. } \overset{\circ}{\text{O}}$ (89); atque electricitates contrariæ, ac æquales inter

quam-

quamque duarum hinc inde oppositarum partium A, Z, & corpus EN non omnino tantum absolute regrediuntur, dimittunturque, quantum absolute progressæ sunt, allecæque ob onerationem. Hinc dico, onerationem corporis imperfecte cohibentis, nec perfecte cohibenti æquipollentis *maxima portione regressu absoluto, & minima portione reliqua regressu dumtaxat compensativo mobilem esse, atque deonerari.*

172. Cum tamen post regressivam deonationem, tum absolutam, tum compensativam, qua tota removetur violentia electricitates onerantes infigens ex partibus hinc inde oppositis A & Z in superficies EF, MN, electricitates ipsæ onerantes ex partibus hinc inde oppositis A & Z infixæ in superficies EF, MN successive, ac lente suam recuperent electricitatum naturam, atque superficies EF conetur dimittere versus partem A ignem redundantem, & superficies MN conetur recuperare ex parte F ignem deficientem (140. 146.), ac propterea actualis status superficierum oppositarum patiatur, ac permittat, inter E & D, inter N & O regredi ignem, qui inter E & D, inter N & O actu motus est ob onerationem, & conatur regredi: successive, ac lente regrediuntur, dimittunturque etiam absolute inter
quam-

quamque superficierum oppositarum EF, MN, & attiguum indusii proximi extremitatem D & O electricitates contrariæ, ac æquales, quæ jam compensative dumtaxat inter ipsas regressæ sunt, dimissæque, adeo ut tandem status corporis EN regressivè deonerati, & attiguarum extremitatum D & O indusiorum hinc inde existentium fiat pariter D. EF, GH, I L, MN. O, & tandem totæ electricitates contrariæ, ac æquales inter quamque duarum hinc inde oppositarum partium A, Z, & corpus EN tantum absolute regressæ sint, dimissæque, quantum absolute progressæ sunt, allecæque ob onerationem. Hinc dico, onerationem corporis imperfecte cohibentis, nec perfecte cohibenti æquipollentis, qua portione mobilis est, & deoneratur regressu dumtaxat compensativo, *successive, ac lente fieri deinceps mobilem, atque deonerari regressu etiam absoluto.*

173. Scilicet oneratio corporis cohibentis EN tota mobilis est, & deoneratur regressu absoluto, vel portione aliqua minima mobilis est, & deoneratur regressu primum dumtaxat compensativo, deinceps etiam absoluto, sed successive dumtaxat, ac lento; pro ut electricitates hinc inde illud onerantes totæ resident in attiguis extremitatibus D & O indusiorum hinc inde existentium, vel
por-

portione aliqua minima resident etiam in oppositis illius superficiebus EF, MN.

174. Onerationem aeris totam mobilem esse, ac deonerari regressu absoluto, suavit mihi primum consideratio vis, qua deferentia ejus indusia ad sese invicem accedere conantur; quatenus concidit dumtaxat, absoluta deoneratione regressiva, & cum semel conciderit, non amplius reviviscit. Contra onerationem vitri portione aliqua mobilem esse, ac deonerari regressu primum dumtaxat compensativo, deinceps etiam absoluto, sed dumtaxat successivo, ac lento, & quidem ea portione, qua electricitates hinc inde onerantes resident in oppositis ejus superficiebus, primum suavit mihi consideratio vis, qua vitro onerato adhærent deferentia ejus indusia: quatenus concidit ante completam deonerationem regressivam, tum iterum reviviscit, augefcit, & fit maxima, prout fieri pergit deoneratio regressiva, ac tandem absolvitur; deinceps iterum minuitur, ac interit, sed successive, ac lente (a).

175. Si denique sit deferens permanenter oneratum ex parte A versus partem Z corpus EN indutum indusiis cohibentibus, quorum attiguæ indusiorum hinc inde existentium ex-

tre-

(a) *Nuova discuf.* §. 690.

tremitates sint D & O, ut in numero 130. ejus oneratio respectu cujusque duarum hinc inde oppositarum partium A & Z mobilis erit atque deonerabitur, vel tota regressu absoluto, vel maxima portione regressu absoluto, & minima portione reliqua regressu primum compensativo, & deinceps etiam absoluto, sed dumtaxat successivo, ac lento; prout postulat indusii inde existentis cohibentia perfecta, perfectæve æquipollens, vel imperfecta, nec perfectæ æquipollens.

176. Neque diutius hæreas circa solutionem sextæ quæstionis propositæ sub num. 30. Eadem enim tendentia ad restaurandum ubique originalem statum, unde electricitas quælibet unius loci per se pollet vi diffusiva, ac tendit ad perturbandum originale æquilibrium ignis originali densitate insidentis locis reliquis actu non electricis, & ad onerandam actu non electricam substantiam cujuslibet corporis, & particulæ corporeæ adjacentis (152), eadem, inquam, quælibet perturbatio originalis æquilibrii, & permanens oneratio corporis, vel corporeæ particulæ tendere debet ad destructionem, & regressivam deonerationem (133). Quod etiam apprimè intelligas, si attendas, onerationem ex parte, ex qua permanens est, coalescere ex duabus electricitatibus contrariis, & æqualibus

libus se mutuo compensative destruētibz, & in sese mutuo dirigētibz, allicientibzque suas vires diffusivas, una onerata, altera onerante, sistentibz, ac permanentibz in attiguis extremitatibz oneratæ substantiæ, & indusi ex dicta parte proximi (108); quæ electricitates niti debent distrahere a sese mutuo suas vires diffusivas versus partes hinc inde oppositas A & Z, ut etiam absolute destruantur, vel saltem in nihilum abeant, & evanescant, vel pergentes compensative destrui saltem minuantur adhuc per ampliationem (139).

177. Atque vix opus est innuere, quod per se est manifestissimum, tendentiam ad regressivam deonationem maiorem esse debere non solum pro maiore onerationis permanentis magnitudine relativa (134), sed etiam pro maiore resistantia, quæ pervincenda fuit in onerando, & pro minore efficacia, vel momento, quod habuit vis resistantiam ipsam pervincens, hoc est pro minore respondentis idoneitate (a). Quapropter tendentiæ diversarum permanentium onerationum ad regressivam deonationem sunt æquales, quoties earum magnitudines sunt directe proportionales respondentibus idoneitatibus.

(a) Nuova disc. §. 418.

178. Quod tamen dictum est in numero 176., verum constare intelligendum est, quamdiu, & quatenus permanens oneratio suam onerationis naturam servat. Sic quoniam oneratio corporis imperfecte cohibentis minimula aliqua portione naturam amittit onerationis, eamque non recuperat, nisi successive, ac lente post remotam violentiam onerantem, hoc est post regressivè deoneratam portionem reliquam (121); eadem corporis imperfecte cohibentis oneratio minimula aliqua portione nullatenus tendere debet ad regressivam deonationem, atque hanc tendentiam dumtaxat successive, ac lente obtinere debet, postquam regressivè deonerata fuerit tota portione reliqua; adeo ut non unico instanti tota mobilis sit, & possit regressivè deonerari, sed maxima portione unico instanti, & minimula portione reliqua successive dumtaxat, lente, & post regressivè deoneratam portionem reliquam mobilis fiat, & possit regressivè deonerari. Hinc dico, onerationem corporis perfecte cohibentis totam mobilem esse regressu instantaneo absoluto: Onerationem corporis imperfecte cohibentis maxima portione mobilem esse regressu instantaneo, partim absoluto, partim compensativo, sed minimula portione reliqua dumtaxat successive, lente, ac difficulter mobilem evadere regressu compensativo.

179. Scilicet, quemadmodum ob imperfectam onerati corporis cohibentiam, electricitatibus hinc inde permanenter onerantibus actu sua carentibus electricitatum natura, quin tamen natura onerationis actu careat oneratio, sive mutatio producta in substantia onerati corporis cohibentis, oneratio mobilis fit, & deonerari potest regressu dumtaxat compensativo; ita, ob imperfectam onerati corporis cohibentiam oneratio sua actu carens natura onerationis nullo regressu mobilis est, & deonerari potest. In quo, videas aptam causarum similis generis gradationem gradationi effectuum similis generis respondentem, & doctrinæ Franklinianæ mirum in modum consentaneam.

180. Sic jam pridem perspexerat quidem Clarissimus Cigna, non totas electricitates hinc inde permanenter onerantes laminam vitream in regressiva ejus deoneratione absolute regredi, sed portione aliqua regredi absolute, & portione alia regredi dumtaxat compensative, contrariis æqualibus electricitatibus allectis ex partibus hinc inde oppositis in attiguas indufiorum deferentium extremitates; atque priorem illam earundem portionem Franklinianam nominaverat, utpote liberam, nullaque vi retentam, qualem hactenus semper considerarunt Frankliniani;

por-

portionem posteriorem appellaverat Simmerianam, utpote non liberam, & aliqua vi retentam, qualem in fericis tibialibus Simmerii perspexerat (a). Sed postmodum, ipso confirmante, atque effectum non absimilis generis judicante, Equites Lovera, & Debutet observarunt, phialam vitream oneratam, postquam communicatione oppositarum superficierum per arcum deferentem instituta penitus deonerata esset, mora, & quiete paucorum minutorum novam succutiendi vim recipere, quæ, si rursus instituta oppositarum superficierum communicatione deleretur, nova iterum post aliquod tempus prodiret, ita tamen ut succussiones, quæ ex successive genita electricitate producerentur, pedetentim minores essent, ac tandem quocumque temporis intervallo nullæ amplius haberi possent (b). Nempe aliquam detexerunt in phiala vitrea onerationis portionem, quæ, instituta prima communicatione oppositarum superficierum, regressu, nec absoluto, nec compensativo deoneraretur, & regressu mobilis fieret dumtaxat successive, ac lente.

181. Verum quamdiu duæ contrariæ, & æquales electricitates ob onerationem actu

K

abso-

(a) *Miscell. Taurin. tom. 3. pag. 55. §. 63.*

(b) *Ibid. tom. 5. pag. 97. 98.*

absolute progressæ, allectæque inter quamque duarum hinc inde oppositarum partium A, Z, & oneratum corpus cohibens datum EN suam electricitatum naturam servant respectu duorum quorumque terminorum, inter quos absolute progressæ actu sunt, allectæque, atque oneratio mobilis est, ac potest deonerari regressu absoluto (170. 171.), nulla alibi exurgit status originalis perturbatio specie superior illa, quæ destruitur, utut corporis cohibentis EN oneratio regressivæ deoneretur, æquali alibi facta permanente oneratione, adeo ut initio supposita perturbatio status originalis eandem servet magnitudinem absolutam, atque magnitudine relativa, sive per ampliationem minuatur. Ergo, quamdiu mobilis est, & deonerari potest regressu absoluto dati corporis cohibentis EN oneratio, tamdiu tendit ad regressivam deonationem, quæcumque sit actualis indusiorum hinc inde existentium conditio (138); atque eidem onerationi conservandæ necessaria est vis extrinseca æquilibrans ejus tendentiam ad regressivam deonationem.

182. Contra quoties duæ contrariæ, & æquales electricitates ob onerationem actu absolute progressæ, allectæque inter quamque duarum hinc inde oppositarum partium A, Z, & oneratum corpus cohibens datum
EN

EN sua carent electricitatum natura respectu alterutrius ex duobus terminis, inter quos absolute progressæ actu sunt, allectæque, atque oneratio mobilis est, ac deonerari potest regressu dumtaxat compensativo (171), alibi exurgeret nova status originalis perturbatio specie superior illa, quæ destruitur, si oneratio corporis cohibentis EN portione aliqua regressivæ deoneraretur, æquali alibi facta simul permanente oneratione, ut per se patet. Ergo, quamdiu mobilis est, & deonerari potest regressu dumtaxat compensativo dati corporis cohibentis EN oneratio, tamdiu tendit ad regressivam deonationem tunc solum, cum talis est indusiorum hinc inde existentium conditio, ut nulla alibi facienda sit permanens oneratio (137); atque eidem onerationi conservandæ nulla necessaria est librans extrinseca vis, sed sola sufficit indusiorum hinc inde existentium conditio, qua illius regressivæ deoneratio fieri nequeat, quin æqualis alibi insurgat nova permanens oneratio.

183. Septimam igitur, ac postremam quæstionem expediam propositam sub numero 31 respondendo, I.^o onerationem corporis perfecte cohibentis pro tota magnitudine sua tendere ad regressivam deonationem, adeo ut tota mobilis sit, & deonerari possit regressu

148
instantaneo; contra onerationem corporis imperfecte cohibentis minimula aliqua suae magnitudinis portione, nonnisi successive, ac lente obtinere tendentiam ad regressivam deonationem, adeo ut nonnisi successivo, ac lento regressu mobilis sit, atque deonerari possit (172); II.^o tum onerationem totam corporis perfecte cohibentis, vel perfecte cohibenti aequipollentis, tum maximam portionem onerationis corporis imperfecte cohibentis, nec perfecte cohibenti aequipollentis, utpote mobilem absoluto regressu (170. 171.), tendere ad regressivam deonationem, quaecumque sit indusiorum hinc inde existentium conditio, atque eidem conservandae necessariam esse vim extrinsecam, qua aequilibretur ejus tendentia ad regressivam deonationem (181): Contra minimam portionem reliquam onerationis corporis imperfecte cohibentis, nec perfecte cohibenti aequipollentis, utpote mobilem regressu dumtaxat compensativo, deinde etiam regressu absoluto, sed successivo dumtaxat, ac lento (171. 172.), tendere ad regressivam deonationem tunc solum, cum talis est indusiorum hinc inde existentium conditio, ut illa regressively deonerari possit, quin ulla alibi insurgat nova permanens oneratio; atque eidem conservandae solum sufficere hujus conditio-

nis

149
nis defectum, nullamque necessariam esse vim extrinsecam. Denique permanentem onerationem corporis deferentis respectu cujusque duarum hinc inde oppositarum partium tendere ad regressivam deonationem, prout postulat indusii cohibentis inde proximi cohibentia perfecta, perfectave aequipollens; vel imperfecta, nec perfectae aequipollens.

184. Vis autem extrinseca librans permanentis onerationis tendentiam ad regressivam deonationem nulla esse potest alia praeter tendentiam ad regressivam deonationem permanentis onerationis similiter a communi limite, indusioque progredientis, utpote similiter agentem in communis indusii substantiam, sed ex parte opposita versus partem oppositam. Atque una duarum onerationum similiter a communi limite, vel indusio progredientium sua tendentia ad regressivam deonationem tunc solum, aequilibrat tendentiam alterius ipsam adaequans, cum earum magnitudines respondentibus idoneitatibus sunt directe proportionales (177).

185. Hinc primo intelligas, cur quoquomodo oneretur lamina vitrea, vel stratum aeris &c., cujus indusia hinc inde existentia sint deferentia, aliqua semper in superficie externa saltem unius indusii existat electricitas similis electricitati oneranti superficiem

K 3

lami-



laminæ, vel strati eodem indusio indutam, hoc est aeris inde adjacentis oneratio similiter a communi deferenti indusio progrediens; hac vero electricitate sublata, vel hac operatione progressive deonerata per disjunctionem, saltem portione aliqua semper regressively deoneretur illa datæ laminæ vitreæ, vel strati aeris oneratio.

186. Secundo ex perfecta aeris cohibentia, & imperfecta cohibentia vitri intelligas, cur oneratum stratum aeris indutum indusis deferentibus alterna indusiorum attrectatione, quin unquam simul ambo cum solo, vel inter se communicent, plane deoneretur; quod agnovit, expertusque est ipsemet Beccaria: contra onerata lamina vitrea similiter indusis deferentibus induta eadem alterna attrectatione indusiorum numquam plane deoneretur, sed semper satis conspicua in ipsa supersit oneratio, deoneranda tunc solum, cum ambo indusia simul communicant cum solo, vel inter se; quod ego constantissime verum constare expertus sum, contra ac ratum semper habuit, docuitque Beccaria (a). Atque interea perspicias, hoc experimentale factum postulare, mirifice confirmare, & ob oculos ponere hætenus incognitam perfectam aeris, & imperfectam vitri cohibentiam.

187. Solutis adamussim septem initio propositis quæstionibus, earumque solutione petita ex duobus jamdudum cognitis, sed hætenus non satis explicatis, evolutisque doctrinæ Franklinianæ principiis, huic dissertationi finem faciam, proposito, breviterque demonstrato theoremate, unde plane enodata cuique constet in doctrina Frankliniana difficultas, quam unice enodandam hic mihi proposueram.

THEOREMA.

Indissolubilis, & necessaria est in doctrina Frankliniana, quæ experimentis, & observationibus indissolubilis, & necessaria constat, connexio electricitatum contrariarum, & æqualium, tum in oneratione, tum in deoneratione progressiva, tum in deoneratione regressiva.

DEMONSTRATIO 1.^a PARTIS.]

In doctrina Frankliniana oneratio est perturbatio originalis æquilibrii ignis originali densitate insidentis oneratæ substantiæ corporis, vel corporeæ particulæ semper, ac necessario contraria, ac æqualis respectu amborum simul hinc inde oppositarum partium (98. 99.), determinans sibi æqualem ignis

conatum se substituendi ex una ad alteram duarum hinc inde oppositarum partium, tum in tota onerata substantia prædicta, tum in attiguis indusiorum hinc inde existentium extremitatibus (100); ac propterea determinans duarum electricitatum contrariarum, quæ ipsi, adeoque inter se æquales sunt, conatum progrediendi, & sese mutuo alliciendi per dictam oneratam substantiam, & attiguas indusiorum hinc inde existentium extremitates ex partibus hinc inde oppositis ad partes hinc inde oppositas, proptereaquod eodem ignis motu faciendo ab una versus alteram partem, & ex uno ad alterum terminum datum progressura est, & allicienda æqualis electricitas excessus ex prima versus alteram partem, & ex primo ad alterum terminum, & æqualis electricitas defectus ex altera parte versus primam, & ex altero ad primum terminum (73). Atqui connexio electricitatum contrariarum, & æqualium, quæ in oneratione indissolubilis, ac necessaria constat experimentis, & observationibus, tota eo redit, quod per totam oneratam corporis, vel corporeæ particulæ substantiam, & attiguas indusiorum hinc inde existentium extremitates progredi, & sese mutuo allicere conentur ex partibus hinc inde oppositis ad partes hinc inde oppositas duæ electricitates semper inter se contrariæ, ac æqua-

æquales (11). Ergo in doctrina Frankliniana indissolubilis est, & necessaria, quæ experimentis, & observationibus indissolubilis, ac necessaria constat in oneratione, contrariarum, & æqualium electricitatum connexio. Q. E. 1.^o D.

DEMONSTRATIO 2.^a PARTIS.

In doctrina Frankliniana fit progressiva deoneratio oneratæ substantiæ corporis, vel corporeæ particulæ, quoties ignis, qui se substituere conatur in illa, attiguisque indusiorum hinc inde existentium extremitatibus ex una ad alteram duarum hinc inde oppositarum partium, actu movetur (160): nequit autem actu moveri ignis ex una ad alteram partem, ex uno ad alterum terminum datum, quin simul æqualis electricitas excessus progrediatur, alliciaturque ex prima ad alteram partem, & ex primo ad alterum terminum, & æqualis electricitas defectus progrediatur, alliciaturque ex altera ad primam partem, & ex altero ad primum terminum (73). Atqui in hoc consistit connexio electricitatum contrariarum, & æqualium, quæ experimentis, & observationibus indissolubilis, & necessaria constat in deoneratione progressiva (163). Ergo in doctrina Frankliniana indissolubilis, & necessaria

ria est, quæ experimentis, & observationibus indissolubilis, ac necessaria constat, in deoneratione progressiva contrariarum, & æqualium electricitatum connexio. Q. E. 2.^o D.

DEMONSTRATIO 3.^a PARTIS.

In doctrina Frankliniana fit regressiva deoneratione oneratae substantiæ corporis, vel corporeæ particulæ, quoties perturbatum originale æquilibrium ignis originali densitate insidentis dictæ substantiæ, attiguisque indusiorum hinc inde existentium extremitatibus restauratur modo opposito illi, quo fuit perturbatum (168): atque restauratio huiusmodi nequit esse, nisi æqualis respectu ambarum simul hinc inde oppositarum partium, ac propterea semper, ac necessario in igne determinat sibi æqualem cessationem conatus se movendi ex una versus alteram duarum hinc inde oppositarum partium, quatenus ob onerationem actu motus non est ex prima versus alteram, & conatum regrediendi ex parte altera ad partem primam, quatenus ex prima parte versus alteram actu motus est ob onerationem (169): hoc est semper, ac necessario determinat sibi æqualem ambarum simul electricitatum contrariarum, & æqualium cessationem conatus progrediendi, & sese mutuo alliciendi ex partibus hinc inde oppo-

oppositis ad partes hinc inde oppositas, quatenus ab illis ad istas actu absolute non sunt progressæ, allectæque; conatum regrediendi, & sese mutuo dimittendi ex istis ad illas, quatenus ab illis ad istas actu absolute sunt progressæ, allectæque ob onerationem: propterea quod eodem ignis regressu faciendo ex altera ad primam partem, & ex altero termino ad primum æqualis electricitas excessus regressura est, & dimittenda ex altera parte ad primam, & ex altero ad primum terminum, & æqualis electricitas defectus regressura est, & dimittenda ex prima parte ad alteram, & ex primo ad alterum terminum (73). A qui connexio electricitatum contrariarum, & æqualium, quæ in deoneratione regressiva indissolubilis, ac necessaria constat experimentis, & observationibus, tota eo redit, quod ambæ electricitates contrariæ, & æquales semper, simul, ac æqualiter desinant conari progredi, & sese mutuo allicere ex partibus hinc inde oppositis ad partes hinc inde oppositas, quatenus ab illis ad istas actu absolute progressæ non sunt, allectæque ob onerationem, conenturque regredi, & sese mutuo dimittere ab istis ad illas, quatenus ab illis ad istas actu absolute progressæ sunt, allectæque ab onerationem (27). Ergo in doctrina Frankliniana indissolubilis, & necessaria est, quæ in regressiva deoneratione

tionem indissolubilis, & necessaria constat experimentis, & observationibus, contrariarum, & æqualium electricitatum connexio Q. E. 3.^o D.

COROLLARIUM.

Quapropter mechanica hætenus incognita in doctrina Frankliniana causa, ratio, & modus indissolubilis, & necessaria connexionis electricitatum contrariarum, & æqualium in operatione, & deoperatione, ac generatim in phaenomenis electricis omnibus unice pendet ab hac plane simplicissima, & per se obvia veritate: electricitatem excessus eo, & inde progredi, allicique, vel regredi, dimittique, quo, & unde movetur, vel regreditur ignis; contra electricitatem defectus eo, & inde progredi, allicique, vel regredi, dimittique, unde, & quo ignis movetur, vel regreditur.

188. Quod si verum constet id, quod sentio Clarissimum Cigna verissime dixisse, acutissimeque (a), theoriam duorum fluidorum sese mutuo attrahentium æque aptam apparere phaenomenis omnibus electricis, ac illam unici fluidi Franklinianam, hanc tamen illi summopere præstare simplicitate sua, atque id unice habuisse adhuc incommodi,

(a) *Miscell. Taurin. tom. 3. pag. 72. §. 105.*

modi, quod nunquam in eadem apparuerit causa, ratio, & modus, quo contrariæ electricitates adeo indissolubili nexu sese alligant, nec aliter inter se agant, quam si mutua inter ipsas attractio intercederet: aliquam fortasse non spernendam fecisse videar doctrinæ Franklinianæ accessionem, quod ex simplicissimis duobus jamdiu cognitis principiis primam illam in eadem difficultatem enodaverim.

Die 20 Junii 1785.

I M P R I M A T U R

Inquisitor Gen. S. O. Novariæ.

V. Theol. Rulfus Reg. Novar. Colleg. Præfectus.

V. Se ne permette la stampa.

Audifredi Senatore Prefetto.

<i>Pag. lin.</i>	<i>Errata</i>	<i>Corrige</i>
6 2	proposueram nihili facere	proposueram, nihili facere
16 20	omnibusque numeris	Omnibusque numeris
21	enodatione illius difficultatis	enodatione primæ partis propositæ difficultatis
17 6	altera est cur	altera est: cur
19 8	extremitate	extremitate
34 11	extremæ	extremæ
35 7	inposterum	inposterum
42 21	extemitatem	extremitatem
44 1	numerus (37)	numerus 37
56 10	destruclam	destruclam
79 3	tunc	tum
95 21	tota tota	tota
129 22	doneratione	deoneratione
130 29	perturbatioc	perturbatio
145 2	alliqua	aliqua